




Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
952/A





Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
952/A



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
952/A



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
952/A

5844 (2)
Künstliche vnd
rechtschaffene Feuerwerck
zum Schimpff/ vormalß im
Truck nie aufgangen.

Dermaßen an tag geben
vnd beschreiben/ des gleichen mit art-
lichen Figuren dargethan/ das ein jeder / so vormalß solcher kein erfahrung
gehabt hat/ leichtlich sie ganz
künstlich hierauß lernen mag.

Durch
Johannem Schmidlap/
von Schorndorf.

Cum Gratia & Privilegio ad Quinquennium

Nürnberg.

M. D. LXIII.

Ein Buch

von dem

Leben

des

Heiligen

Geistes

von

M. D. LXXII

Se
De
nung
hnen
Chri
tend



mein
neben
glück
jeder

Dem Edlen vnd
Vesten/ Wilhelmē von Ja-
nunwitz des durchleuchtigen hochge-
bornen Fürsten vnd Herrn / Herrn
Christoffens / Herzogens zu Wir-
temberg/2c. Zeugmeyster/mei-
nem günstigen lieben
Junctherren.

Eder vnd Vester/
günstiger lieber Junt-
ckher / E. V. sindt
meine gantz willige dienst
neben wündschung eines
glückseligen newen Jarß/
jeder zeit zuuor. Ich habe
A ij mei-

meine tag lust vnd liebe ge=
habe / allerley künstliche vnd
rechtschaffene schimpffliche
Feyerwerck zu vben / vnd
zu treiben. Der wegen ich
denn dieselben / vnd sonder=
lich die vorberentung zu sol=
chen wercken / in disz gegen=
wertig Büchle / sampt den
Figuren verfasset / Wie L.
M. hierauß günstiglich zu
sehen vnd zu lesen haben.

Demnach vnd dieweyl
ich wol weyß / das L. M. zu
solchen kurtzweyligen sa=
chen

chen grosse lust tragen / auch
dergleichen selbst viel getrie-
ben / So hab ich nicht vn-
terlassen mögen / E. V. als
dem rechten Patronen vñ
liebhaber solcher Kunststü-
ckle / dieses büchle im Truck
zu dedicieren / vñnd damit
zuuerehren. Wie ich denn
nicht zweyffele / E. V. nicht
allein hieran ein sonderß ge-
fallen / sondern auch ande-
re kurtzweylige leut / inn v-
bung solcher stücke / ein gu-
tes gefallen haben werden.

Al iij Bitte

Bitte derhalben gantz
demüctiglich E. V. wollen
ihnen diese meine Dedica-
tion vnd künstlich wercke/
günstig gefallen lassen/ vnd
von mir freundlich anne-
men. Denn wo ich E. V.
nicht allein inn einem sol-
chen geringen wilfaren/ son-
dern in einem grössern/ mei-
nen vnterdienstlichen wil-
len erzeugen köndte/ sol mich
die selb jeder zeit gantz wil-
lig befinden. Vnd thu mich
E. V. zu dienen jeder zeit
befel-

befelhen. Datum Schorn-
dorff am newen Jarßtag/
Anno LX.

E. V. Dienstwilliger
Johan Schmidlapp.

A iij Vor-

Vorrede an den günstigen Leser.

Ich habe kein zwey-
fel freuntlicher Leser / es
werde etliche mißgünstige
Künstler / diß mein klein/
doch künstlich wercklein / das solches
an tag komme / verdriessen / dierweyl
vornals dergleichen inn dem Truck
niemals aufgangen / Denn ich solches
nicht auß büchern zusamen geklaubt /
sondern von etlichen diser kunst wol-
erfarnen (nicht on gelt) zuwegen ge-
bracht habe / Derwegen / vnnnd ob ich
wol bedacht gewesen / solche künstlein
mir allein zubehalten / so hab ich doch
dieselbigen / dieweil sich junge gesellen /
vnd andere der künsten liebhaber (bö-
sers zu vermeyden) hiermit erlöst-
gen / vnd dise stücklein vben möchten /
vnter

unter die hand genommen/ vnd (vnt-
geachtet/ das ich von etlichen bespro-
chen worden/ ihnen diese stücklein mit
vmb gering gelt zu lassen)
gleichwol damit menigklich sich dar-
mit erlöstigen möge/ inn Truck gege-
ben/ Inn willen vnd meynung/ allen
kurtzweyligen Künstlern darmit zu
dienen. Verhoffe auch mit solchem
wercklein andere dieser kunst höher
erfarne Feuerwercker zu reitzen/ diß
werck mit irem zusatz teglich zu bes-
sern / Auch soll sich derjenige / so sich
mit diesen künstlein vben wil / nicht
verdriessen lassen/ die beschreybungen
der Feuerwerck fleysig zu lesen/ vnd
ihme auff das best nachzutrachten /
Denn nicht möglich / alles gnugsam
volkommenlich zubeschreiben / Wie-
wol ich es auff das weytlauffest/ vnd
so viel ich vermeynt von nöten sein/
beschrieben habe/ Vnd so du also fleiß
A v dar-

darmit haben wirst/wirst du gute
künstliche stücklein befinden / Kanst
dich auch durch solchen fleys vnd ge-
warsam / vor schaden vnnnd vnrat
bewaren. Ich hette gleichwol auff
mehr manieren schimpffliche Feuer-
werck künden anzeygen / hab es aber
von vnnöten geachtet / Denn auß di-
sen mögen gar nahe allerley Feuer-
werck gemacht werden / so zu dem
schimpff gehören / wenn du allein der
sachen ein wenig fleysig nach geden-
ckest / wie dir den die vbung wol wirt
vnterricht geben. Wenn ich nun spü-
re / das diß mein künstlich wercklein /
dir vñ meniglich angenehme sein wirt /
wil ich mittler zeit solches (ob Gott
wil) mit andern Feuerwercken / so
zum ernst gebraucht möchten wer-
den / mehrē. Auch bin ich wol willens
gewesen / zu end dises Büchleins / dich
zu vnterrichten / wie du einen fliegen-
den

den Trachen inn den lufften machen
solt/welchs von denen/so dessen vn-
erfare/für vnntüglich geachtet wird/
Wil ich doch solch künstlich vñ kürz-
weylig stücklein behalten/bis ich ohn
das dises büchlein mit andern Fero-
wercken bessere. Vnd hiemit dich ge-
beten haben/wöllest jertzmal mit dia-
sem vergnügt sein/bis ich mit dem v-
brigen / wie gemeldet / auch hernach
komme / damit du solche auch dester
baf zu rechtgeschaffnem ende möch-
test bringen / Datum Schorndorff
am newen Jarstag/Anno 1560.

Register der Feuerwerck so in diesem Büchlein begriffen sind/sampt andern stücken.

I.

Salpeter wie der gemeyn tügen-
lich zum Feuerwercken zu zurichten
seye. 1

II.

Obgemelten Salpeter/wie er zu
schmelzen seye. 2

III.

Kol zum Feuerwercken tügenlich/
von was holz sie sein sollen. 2

IIII.

Schwebel wie er sein solle zum Feuer-
wercken. 2

V.

Rechtertzlein von Feuerwerck/so sie
angezündt / einem inn der hand zer-
faren. 3

VI.

Racketenstöck wie sie zuzurichten
seyen. 4

Racketen

VII.

Racketen die fliegen mit einem
schlag. 9

VIII.

Racketen die auff der erd hin vnd
wider lauffen / auch mit eim schlag. 9

IX.

Racketen die fliegen mit zweyen o
der dreyen schlegeln. 19

X.

Racketen die herwider lauffen an
schnüren. 23

XI.

Ein umblauffend Redlein / so es
wird angezünd. 28

XII.

Ein schön Sewrwerck / welches ge-
nant wird der stock mit vil auffaren
den fwaren. 33

XIII.

Ein Streitkolben mit auffarenden
fwaren. 41

XIIII.

Ein schiessende Sackel oder liecht. 49

XV.

Sewrflugel ins wasser. Magst solche
auch

auch auß einem Möser werffen/so du
wilt/denn sie ganz schön bründt. 52

XVI.

Sewerkugel/so sie auff einem ebenen
platz angezündt werden/das sie drey
oder vier sprüngen thund/vnd solche Kug-
len werden von einem weissen zeug ge-
füllt/Wie du solchen machen solt/
wirstu vnter der beschreibung vnterr-
icht. 52

XVII.

Sewerkugel die inn einer Stuben
mag angezündt werden/laufft darinn
hin vnd wider. 62

XVIII.

Ein vnterricht/wie du sampt ei-
ner gesellschaft zu Fastenachten ein
schöne Nummaren von Sewerwerck
zurichten magst. 65


Ende dieses Registers.

n/so dn
52

n cloners
fie day
the Eng
cug ge
a folc/
mter:
52

ben
mm
62

it eis
t m
ent
65





Es ist von nöten/ehe vnn
ich zu den beschreybungen
der Fewerwerck trette/das
ich zuvor ein wenig berich-
tes an etlichen stücken gebe / durch
welche die Fewerwerck gemacht vnd
zugericht müssen werden/auff das es
dir dester gewiser von stat gehe.

Wie man den ge-
meynen Salpeter / so hin
vnd wider verkaufft wird/bas leu-
tern vnd zurichten sol/das er zu allen
Fewerwercken tügenlich seye/Denn
er gemeiniglich/so er verkaufft wird/
noch nicht gnugsam geleu-
tert worden ist.

Du ihm also: Nim des gemey-
nen Salpeters/ so viel denn du
B not

nottürfftig bist / geuß frisch wasser
daran / vngeseht das dz wasser zwen
oder drey zwerchfinger darüber gehe/
Vnd das geschirz sol eyssen sein / laß in
darinn also sieden / völig / so lange als
man herte eyer seud / oder ein wenig
lenger / vnd als damit sol er auch ver-
scheimbt werden / Nachmals lasse in
ein wenig vberschlahen / als den geuß
es inn ein dennen oder irden geschirz/
vnd laß ihn also anschiesse in külen
ort / welches geschehen mag vngeseht
inn einer nacht / Nachmals die laug
herab geseigt / vnd den angestofnen
Salpeter auff ein bret oder Becken
gethan / an der Sonn / oder auff dem
ofen gnugsam getruet / vngeseht
auff 24. stund / oder was lenger / Vnd
so er also zubereyt ist / als denn ist er
zu allen fexwercken / darzu er den
gebraucht wird / ganz fertig.

Wie

Wie man gemel-
ten salpeter schmelzen soll/
auff das er dester stercker zum feuer-
wercken seye/ vnd in die lenge
bestendiger bleybe.

In obgemelts Salpeters / so
vil du wilt / thu solchen in ein ei-
sen geschirre / mach ein gut hell
feuer darunter / truck ihn als vnter /
vnd so er gar vergangen ist / als denn
geuß in in ein mēß / kupffer / oder eyser
geschirre / laß in also wol kalt werden /
als denn ist er nach dem besten fertig /
vnd zu allen feuerwercken dester
geschickter vnd bestendiger / Mag
auch nicht / wie sonst / widerumb ein
feuchten an sich ziehen.

B g Kol

Kol wie sie sein

sollen/auch von was holz.

DErst / so offst du vnter den bes-
schreibungen findest Kol / das
du alweg nimest / die von linden
holz seyen / Sihe auch das solche gnug-
sam gebrandt seyen worden. Wo du
aber in der eyl solche nit haben möch-
test / als denn nimm allein büche Kol / wie
die Schmid brauchen / vnd nicht dise /
so an einem ferwer gebrandt werden /
sondern die von kölern gebrant seyen /
vnd das an solchen kein rind seye.
Vnd auff gemelte weys / sindt die Kol
tüglich.

Schwebel wie solcher sein solle.

Erst

ERSTlich soll er sein an der farb
 schön gelb / vnnnd so du solchen ein
 weil in zugethaner hand hast / das
 er engwey breche. Weiters ist nit von
 nöten anzuzeygen / denn er allenthäl-
 ben gut vnd gerecht verkaufft wird.

Hiernach folgen die be-
 schreibungen der Feuer-
 werck.

Rechfertzelein vñ
 feuerwerck / so sie angezünd-
 et / einem in der hand zerfaren.

Nachs also : Nün gut Schieß-
 puluer / als denn verlasse einen
 leim / mache solchen zimlich düñ /
 geuß an gemelt puluer / das so du es
 wol durcheinander temperierst / das
 es ein zimliches dickes teyglein geb / so
 B ij sol-

solches beschehen / brich es mit einem
messer auß / das es fertzlein geb / fin-
gers lang / In der dicke aber / wie die
Apoteczischen Reuchfertzlein sindt /
Denn welger sie mit der hand / oder
mit einem messer / auff einem glatten
gehobelten bret / Vnd damit es nicht
am bret anhangen / bestreue es mit
klein gestossnem puluer / damit du die
fertzlein genzlich formieren vnd ma-
chen mögst / nach art wie sie denn sein
sollen. Ist auch nicht von nöten / das
du füßlein daran machest. Vnd so sie
also gemacht sein / leg sie neben ein an-
der auff ein brettelein / zu zimlicher wer-
me / laß sie den also ein zeitlang truck-
nen / Denn je elter sie sindt / je besser
vñ geschwinder sie einem in der hand
zerfare. Magst auch den leim an stat
des wassers / mit gebrantem wein
verlassen / solchs stehet zu dir / als den
sind sie fertig.

Rache

Racketenstöcke/
 wie solche zuzurichten sein/
 Darinn denn die Racketen gema-
 chet müssen werden.

In erstlich ein gut Pirenbaum
 holz/das dürr sey/on nest/vnge-
 fehr eines arms dick/vnd einer
 span lang/Las solch holz rund drehē/
 in der dickē vngesehr zweier zimlicher
 zwerchfinger dick. Merckē auch hie/
 das ich dich hiemit wil lehren/die klei-
 neste form der Racketenstock eigent-
 lich außzuteilen vnd zubereiten/Wie-
 wol sie kleiner auch gemacht möchten
 werden/aber solche nach meinem ge-
 duncken zu klein/vnd nit sonders tü-
 genlich seyen/Auch wie du in solcher
 aufteilung des kleinen racketenstocks
 vnterricht wirst / verstehe auch von
 den grossen/wie du denn hören wirst

B iij zu

zu end diser beschreibung. Vnd so das
holz also (wie gesagt) gedrehet ist / als
denn laß dir den Drechßler mit einem
Drehneber ein loch durch das holz /
so fern es denn von nöten wird sein /
drehen / vñnd das solch loch gerad inn
der mitte des holz hinab gehe / vñnd
gantz sauber vñnd glat heraußer gedre



het seye / auch das
solcher neber ein
loch / das diese
weyte / so hinne-
ben in der mitten
des grossen Zir-
ckels verzeichnet
ist / gebe / Oder a-

berlgar ein wenig kleiner oder gröf-
ser (Denn die Drechßelneber nicht al-
weg eben gerad diese größ haben)
Der ander Zirckel darumb / ist die
gantz dicke des Racketenstock's. So
denn solch loch hindurch gedrehet /
als



als denn nimme
 mit einem zirckel
 die ganze weyte
 des lochs/welche
 weyte genandt
 wirdt der Dia-
 meter / vnd fahe
 an einem ort des
 rund gedrehten
 holz / außwändig
 mit dem Zirckel
 nach der leng des
 holz sechs theyl
 hinab zumessen/
 vnd in außgang
 des sechsten theils/
 stich einen pun-
 cten/vnd laß inn
 solchem puncten
 das holz ebē hin-
 durch ab drehen/
 auß solchs besihe
 B v hie

hie obgesetzte figur. Nachmals laß dir
an gemeltem stock zu vnterst einē ab-
satz eines halben zwerchfingers hoch/
auch das solcher auff's halb theyl der
dicke des stock's hinein gedrehet seye/
vnnnd zwey zepfflein daran/damit es
sich/so das vnter theyl daran kompt/
wie denn folgen wird/sich satt in ein-
ander schliesse/wie denn die Drechs-
ler die streubüchsen also verschlies-
sen. Als denn so laß dir drehen/ein an-
der sinwelholz/ein wenig dick' er denn
der stock/solle auch anderthalb ober-
zwerch finger lang sein / An solchem
holz laß dir ein absatz an einen ort ge-
rad hinab drehen/der mitte zu/ Vnnnd
solcher absatz solle sein / dreier zimli-
cher messerrucken weyt / vnnnd solle
auch gerad hinab gedrehet werden/
das es allein zumitt ein zepfflein ge-
wint/welches zepfflein eben die dick'
des stößels/ so in den Racketenstock
gehört/soll haben. Nun aber ich dich
noch



noch nit gelert habe / den stößel / auch
 wie dick er sein solle / darein zumache /
 Derhalb solt du hinder sich gehn / vnd
 die theylung des stößels besehen / vnd
 von solcher theylung / gerad die dick
 mit einem zirckel nemen / vnnnd nach
 desselbigen zirckel weit / das zepfflein
 ganz eben inn derselbigen dick drehen
 lassen / Vnnnd solches solle zu förderst
 rund abgedrehet werden / vnd dreyer
 messerruck en lang sein / wie den oben
 gemelt ist. Solchs klerlicher zu mer-
 cken / besihe diese figur. So denn sol-
 ches also gemacht ist / als denn so laß
 dir vmb das zepfflein herum ein
 schloß einwärts hinein drehen / damit
 sich beyde stück in einander ganz satt
 beschliessen / so sie in einander vñgetri-
 ben werden / gleich wie die streich oder
 sandbüchsen / welchs den den drechs-
 lern wol wissend ist / Auch solle das
 zepfflein vnterhalb seiner angezeyg-
 ten

ten leng) verstehe inwendig inn dem
füßlein (eins zimlichen messerruck en
dicke sein / vn̄ also ein absetzlein han/
vnd so den̄ dise zwey stück also gantz-
lich zugericht sein / vnd sich gantz satt
also inn einander schliessen / als denn
sindt sie fertig. Auch must du haben
einen stößel darinn / nemlich auff diese
form : Nim̄ ein Pirbeum holz / vnn̄
laß dir einen stößel darauf drehen/
auff folgende weys. Nim̄ erstlich die
weyte des lochs im Racketenstock /
welches genant wird der Diameter/
mit einem zirckel auff das aller fleys-
sigest / vnn̄ trag solches auff ein glat
gehobelt bret oder tisch / vnd theil sol-
che weyte auff 8 aller fleysfigest in sie-
ben gleich theil / So solches beschehen/
nimme mit dem zirckel solcher theyl
gerad fünff / vnn̄ dieselbig dicke solle
der stößel gantz gerecht durchauf biß
an die handheb haben / auff das aller
geleichest /

geleicheſt / denn die andern zwen vber-
 rigen teil/die dicke des papiers bedeu-
 ten/in den gemachten Racketen/wie
 du denn in beſchreibung ſolcher/ſehen
 wirſt. Vnd die leng ſolchs ſtößels ſoll
 ſein alſo: Wenn du den ſtößel inn das
 obertheil des ſtock's hinein fallen laſt/
 biß an die handheb/ als denn ſoll ſol-
 cher einen halben zwerchfinger für-
 gehen. Den ſtil ſolches ſtößels mache
 auff vier vberzwerch finger lang/ In
 der dicke aber / wie er dir denn in dei-
 ner hand am füglichſten iſt/ So ſol-
 cher auch gemacht / als denn iſt der
 ganz Racketenſtock fertig. Vnd zu
 beſſerm verſtand beſiße nachfolgen-
 de figuren.

Weyter

DIS ALLES IST VERIVNGT SOL DER ERSTEN
 WIGVR GELEICH SEIN IN DER PROPORTZ



Weiter so ist von nöten/das du ha-
 best auch grössere Racketenstöck/ zu
 den ferrorwercken ganz gebreuchlich.
 Wil aber ich dir die bequemest größ
 vnd form anzeigen / welchs denn dir
 in andern ferrorwercken zu volbrin-
 gen/mit ein gerings sein wird/Wie du
 den in etlichen nachfolgenden beschrei-
 bungen hören wirst. Wiß derhalb/
 das die grössern/ keiner andern they-
 lung/inn allen dingen bedörffen/allein
 das sie irer proportz vnd größe halb/
 dest grössere theyl bekommen/ Doch
 hab guten fleyß inn auftheylung der
 stöck / vnd auch der stößel/ sie seyen
 groß oder klein/den mit wenig an sol-
 chem gelegen ist/Die bequemste größ
 aber der Racketenstöck/ist dise/nem-
 lich/das allweg ein gemachte Racket
 inn die andern fein gedrunge hinein
 geschoben werde/welchs aufs gewis-
 fest zuwegen gebracht mag werde/in
 fleis-

fleyßiger abtheilung der weyte/wel-
ches genant wirdt der Diameter des
lochs im kleinen Racketenstock / vnd
nach solcher weyte/einen stößel lassen
drehen / welcher als denn die rechte
gröſſe des anderen Racketenstock's
haben wirdt/Vnd so du die dicke des
stößels ganz gewiß auff ein glatten
tisch auffgetragen hast/als denn theil
solche weyt in fünff gleicher theil / vnd
nimme denn die weyt zweyer sol-
cher theyl / die addier zu obgemelten
fünff theylen / so werdens sieben/sol-
ches ist denn die weyt des lochs im
andern Racketenstock. Solche auf-
theylung verstehe auch vom dritten
stock / allein das solcher auß dem loch
des andern stock's getheylt solle wer-
den/Solches auch/verstehe von an-
dern gröſſern stock'en / so weyt denn
die gröſſ leyden mag / Die leng aber
eines jeglichen stock's vnd stößels/
wirſt

wirft du leichtlich auß der weyte des
 selbigen Stock's durchgedreten lochs
 zuwegen bringen / nach vorgemelter
 weyß des kleinen stock's / vnd solcher
 stock solt du drey haben / das auch all-
 weg die gemachten Racketen / fein ge-
 drungen in einander gehen / Als nem-
 lich / die kleinest inn die mittel / vnd die
 mittel sampt der kleinen darinn / in die
 dritten Racket. Wenn du denn also
 diesen teilungen fleysßig nachkompst /
 so werdens wie gemelt / sich selbs inn
 einander schick'en.

Also hast du auff's aller fleysßigst
 beschrieben / vnnnd auch die auf they-
 lung der Racketenstock / daran denn
 vil gelegen ist / denn zu viererley fer-
 werck die Racketen gebraucht wer-
 den / wie du denn nachgehents sehen
 wirst.

C

Wie


Wie du solt ma-
chen gar schöne Racketen/
die da von ihnen selbs eben hinauff in
die höch faren/oder auff ebner erd
hin vnd wider lauffen/vnd zu letzt
einen schuß thun.

Erstlich ist von nöten / das solch
papier/darauf die Racketen ge-
macht müssen werden / zwifach
auff einander geleimbt werde / vnnnd
mit flacher hand ganz glat auff ein-
ander gestrichen/ Darnach wol tru-
cken lassen werden/so solches gesche-
hen/als denn nimme das oberteil des
Racketenstock's/ in welchen du denn
Racketen machen wilt / vnnnd leg es
auff ein ort des geleimbtten papiers/
vnd nach der höhe solchs stock's/solle
das papier gerad hinauf inn gleicher
höhe geschnitten werden/Solchs pa-
piers schneid so vil du den Racketē ha-
ben

ben wilt / nach jetzt gemelter höhe / Als
den nim̄ der papier eins / vnd mach es
mit der zungen ein wenig feucht / auff
beiden seiten hinauß nach der leng / an
dem ort da die Rack et den halß be-
kompt / aber nit naß / auch sol es nicht
breyter feucht gemacht werden / denn
allein so weit das helfle geht / auch nit
zu förderst am ort / Denn solchs allein
darumb geschicht / das sich die helflin
der Rack eten dest gerner zusamen zie-
hen lassen / vñ so viel dest weniger ab-
springen im zusamen ziehen / wie du
den nachgehents hören wirst. Nach-
mals nim̄ den stößel / vñ solcher papier
eins auff den stößel gewunden / vñ in
der hand vmbgedreht / biß es auff das
aller settest auff einander anlige / vnd
sich mit dem stößel nit baß lest anzie-
hen / Auch sol es ganz gerad auff den
stößel auffgewunden werden / dz das
papier vnten vñ oben ganz gleich
E ij seye

seye/vnd kein fach papier für das an-
der gehe/auch solle das gefeuchtet teil
im auffwickeln vornen an stößel ko-
men/so solchs auch beschehen/halt al-
so das vmbgewickelt papier sat auff
dem stößel auff einander/vnd scheub
es oben in stock hinein / vnd so des
vmbgewickelten papiers zu viel we-
re/das es nicht in stock hinein gescho-
ben möchte werden/ als denn so reiß
dauon/ so vil biß es ganz gedrungen
hinein gehet/ doch solt du inn allweg
sehen/das du es auff dem stößel nicht
von einander lassst gehn/biß es hin-
ein geschoben wird/ So denn solches
also gedrungen hinein geriben ist/den
so du es eben hinein stossen woltest/
würde solches nicht gut thun/sonder
immerzu im hinein schieben / vmbge-
wandt muß werden / wie denn die
übung dir solches wirdt anzeygen.
Solch papier laß vngesezt eines hal-
ben

ben zwerg fingers breyt vnten am
stock für auß gehen / Oder so die Ka-
cketen groß weren / lasse es ein we-
nig lenger für auß gehen / vnnnd den
stössel darüber das papier gewickelt/
zeuch in stock hinein / das er dem stock
gleich gehe / vnnnd nichts dest weniger
das papier / wie oben gemelt / vnten
am stock fürgehe. Auch so mercke/
wenn du den stössel hinder sich ziehen
wilt / oder gar heraus / vnd das den-
noch das papier nit hernach gehe / so
treib den stössel auff die linckē seydt
herumb / so steht das papier still / Wilt
du aber das es sich am stössel anziehe/
auff das du es mögest heraus thun/
so es fertig ist (verstehē lere Kacke-
ten) so treib den stössel auff die rech-
ten seyten / So es sich aber dennoch
nit anziehen wolt lon / zeuch den stös-
sel heraus / vnnnd mach ihn im mund
gar ein wenig feucht / als denn magst
C iij du



du es im stock vmbwenden oder her-
 auß ziehen. Nu/so solcher stößel dem
 Racketenstock vnten gleich ist/vnnd
 das papier nichts dest weniger eines
 zwerchenfingers breyt für auß gehet/
 Als denn nim eine seyt in der größ
 wie sie die Huter brauchen / zu den
 grossen / Zum kleinen aber / eine die
 was kleiner ist/Solche seyt sol zwey-
 er spann lang sein/vnd inn beyden or-
 ten geknüpffte schlingen haben / wie
 den hieneben gesetzte figur auß weist.
 Nachmals nim ein gürtel/vnd streiff
 die seit mit der einen schlingen daran/
 vnnd gürte die gürtel vmb dich / das
 die seyt fornen sey / als denn must du
 haben ein zimlich starcke schrauben/
 auff diese form vnnd figur / Solche
 schraub schraube in ein wand/inn der
 höhe biß zu der gürtel/vnd denn nim
 den Racketenstock mit fürgehendem
 papier in die recht hand/vñ schlag die
 C iij seyt

seyt vnten zu nechst am stock vmb
das papier/ das die seyt den stock an-
rdre/ vnnnd der seyt hart an einander
herumb gehe/ als denn halt die seyten
also/ vnnnd thue die andern schling an
obgemelte eingeschraubte schraub/ als
denn nimme das vntertheyl des Ka-
cketen stock's/ inn die linck e hand/ vnd
hebe das zepfflein inn das fürgehende
papier hinein/ bis an den absatz / So
du denn also das ober vnd vntertheil
des stock's gegen einander also hal-
test/ mit sampt den vmbgeschlagenen
seyten / am fürgehenden papier / als
denn zeuhe mit dem leyb solche seyten
gantz wol an/ das die Kacket ein fei-
nes helflein bekomme/ vnd das helf-
lein so genach mit der seyten zusam-
men gezogen werd/ das allein ein zim-
liche nehnadel hindurch gehe / Auch
merck inn alweg das das helflein ge-
rad zumitt des Kacketleins seye/ vnd
so

so sich das helflein inn anziehung der
 seyten/nicht ganz gerad inn die mitte
 wolte schicken/als denn must du sol-
 ches fürkornen / mit ein wenig umb-
 wendung des Racketenstock's/ doch
 so du also den stock wendest/must du
 der seyten ein wenig nachlassen / bis
 es gewend ist/den es sonst ganz leicht
 lich das helflein des Racketleins ab-
 schneyt/im zusammen ziehen/ So es
 denn als obgemeldet/gerugsam zuge-
 zogen ist / als denn so stehest du also
 mit sampt dem Racketenstock/ wie
 dann diese Figur klerlich außweyßt/
 Vnd damit du alle meine beschreibun-
 gen deſter baß verstehen mögeſt/hab
 ich dir allenthalben die figuren artlich
 dargeſtellet.

C v Nini



Ein d
den g
groff
die an
ab / f
gen m
beant
vach
mit m
le von
setzen
und
best
vun
den
das
ma
und
cu
f
s

Nun denn einen starcken zwirnsfa-
 den / zu den kleinen Racketen / zu den
 grossen aber ein bindfaden / vnnnd thu
 die angezogenen seyten eylends her-
 ab / schlag denn den faden oder bind-
 garn im helflein vier oder fünff mal
 herumb / gantz hart angezogen / vnnnd
 verknüpf es denn gantz wol / das es
 nit möge auffgehn / Solchs binden sol-
 le von stundan nach herab gethaner
 seyten geschehen / den es sonst wider-
 umb auffgeht / Als denn den faden o-
 berhalb des knopffs abgeschnitten /
 vnnnd die Racket mit dem stößel inn
 den stock gar hinein gezogen / das du
 das vntertheyl des stock's fürreyben
 magst / Nachmals setz den stock auff /
 vnd schlag mit einem darzu gemach-
 ten schlegelein / des form du hernach
 sehen wirst / vier oder fünff zimli-
 cher streychlein auff den stößel / doch
 das als damit der stößel ihm stock
 vmb-

vmbgetrieben werde/damit das helf-
lein sampt dem anzündloch ein gute
form bekom̃ / Auch hab allweg ach-
tung/ehe vnd du auff den stößel schla-
gest / das er zuvor auffstehe/ nemlich
am geknüpfften Racketenhelflein/
denn sich sonst das innerteyl auff ein-
ander hinab streiffet welches so es ge-
schicht / nichts rechts du damit auf-
richten magst. Als den zeube den stöß-
sel sampt der Racketen heraus/ vnd
nachmals auch den stößel auß der
Racketen/ Vnd denn nimme ein spi-
zigen pfriem/vnnd mache das zünd-
loch zumit/im helflein damit weiter/
mit vmbdrehung des pfriems/das es
gantz glatt werde/Auch sol das löch-
lein innwendig auß dem Racketlein
heraus / mit dem pfriem gerweytert
werden / Aber die rechte weyte des
zündlöchleins ist/das du magst einen
spindelspitz/vngefehr eines vberzwer-
chen

chen fingers breyt / durch jetzt gemel-
tes löchlein bringen (Solchs verstehe
von den kleinen Racketen / Denn inn
den grossen must du dem augenmaß
nachfaren / vnd solche löchlein weyter
machen / wie dich denn die vbung am
besten wirdt vnterrichten) So sol-
ches alles beschehen / vnd obgeschrieb-
nem allem ganz fleissig bist nachkom-
men / als denn sind die leren Racketen
fertig / auff solchs hast du hie ein form
des schlegeleins / damit sie gefült wer-
den / vnd auch ein form der leren Ra-
cketen.

Nun

Nun folget der zeug damit
 sie gefüllet müssen werden/
 solchen mache also.

NIm erstlich gut gekörnt schieß-
 puluer ein halb pfund / mehr ein
 halb pfund Cartonnen puluer/
 solches gibt den besten zeug darzu/
 Oder aber mach diesen zeug der ob-
 gemeltem gleich ist : Nim gut schieß-
 puluer ein pfund / Schwebel zwey
 loth / Vnter diesen zweyen zeugen
 mache welchen du wilt / Doch mer-
 cke / das solche stück zuvor auff das
 reinst gestossen sollen sein / vnd durch
 ein ganz enges sieblein gereden sollen
 werden / ehe vnd sie abgewegen
 werden / So solches geschehen / we-
 ge es gerecht ab / vnd mische es ganz
 wol durch einander . Nachmals
 nimme der leren Racketlein eines /
 vnd scheube es in den Stock / das es
 auff

auff dem vntertheyl auffstehe/vnnd
das vntertheyl des stock's solle fürge-
riben sein / Als denn nimme ein mes-
ser / vnd stoß es den breytten wegin-
zeug/zweyer fingerlang hinein/vnnd
was für zeug darauff bleibt/den thu
in das Racketlein/ vnd den das stoß-
lein fein sehnlich auff den zeug ins
Racketlein geschoben / das sich das
papier nicht damit hinab streyffe /
Darnach mit obgemelten Schlege-
lein vier oder fünff zimlicher harter
streichlein darauff gethan / das sich
solcher zeug gar fest auff einander
setze / Vnd also/wie gesagt/ auff jetzt
gemelte weys das Racketlein durch
auff gefült/doch allweg auff ein mal/
nicht mehr des zeugs hinein gethan/
denn wie gemelt ist/vnd allweg auff
das festest auffeinander gesetzt wer-
de durchauff / das allein eines vber-
zwerchen daumes breyt das Ra-
cketlein

etlein vngesüßlt bleibe/ Als denn laß
 dir einen Drechsler von hartem holz
 etlich runde scheyben drehen/ die ganz
 eben in der runde seyen / wie das loch
 im Rack etlein ist/ vnd in der dick sol-
 len sie eines messers rücken dick sein/
 auch zumitt ein durchgehend löchlein
 haben/ inn groß eines zündlochs einer
 büchß. Solches besser zu verstehen/
 hast du gemeltes scheyblein ein figur.
 Vnd solche scheyblein werden von
 den ferrorwerckern genant Schleg/
 Solcher schleg nim denn einen/ vnd
 thu ihn oben ins Rack etlein hinein/
 auff den zeug/ Vnd so er den breiten
 weg auff dem zeug auff ligt/ als denn
 den stößel genommen/ vnd ein wenig
 darauff geschlagen / das er auff dem
 zeug wol anlige / Nachmals nimme
 gut gekörnt schießpuluer / vnd fülle
 solch Rack etlein damit vol zu / truck
 es auch mit dem stößel gar ein wenig
 D auff

auffeinander / doch laß beuor das es
vngesezt vier messerrücken hoch o-
ben auß vngesült bleybe / damit du es
beschliessen magst / vñnd denn mit ei-
nem messer die fach des Racktleins
oben hinein gedrückt / vñnd das stöß-
lein darauff gesetzt / auch darauff ge-
schlagen / vñnd also gantz beheb vñnd
wol vermacht. Nachgehends von ei-
nem ebenen düren tennen pfal / so sich
gantz gerad hinauß spalten leßt / wol
proportionierte rütlein machest / for-
nen hinauß je lenger je bas zugespitzt /
solcher rütlein sol allweg eins vnge-
sezt sibemmal so lang sein als das Ra-
cktlein ist / vñ wie dick solchs sein sol /
wird dir anzeygen / so du es auff ein
finger oder messerruck abwigst / wie
denn folgen wird / allein obseruier die
leng / das solche gantzlich bleib / Nun /
so solche rütlein gemacht sein / als den
bind mit einem bindfaden die Racke-
ten

ten an/auff diese form/ Nemblich/das
das dick er theil des rüthleins zumitt
am Racktlein auffhöre / vnnnd das
zündloch gegen dem spitz herab sehe/
auch ganz steiff angebunden / damit
es nicht hin oder her möge wacklen/
Nachmals/das rüthlein sampt ange-
bundnem Racktlein/auff einen fin-
ger oder messerrücken gelegt/vnd al-
so abgewegen gleich vnter dem zünd-
loch am rütlein / Vnd so es denn also
gerad in der wag ligt/so hat das rüth-
lein die rechte schwere. Doch so es zu
schwer nachmals were / als dann
schneyd allein von der dick / damit es
in alle weg sein rechte leng behalt. So
denn solches alles auff das fleyssigest
gemacht / gefült / angebunden/vnnnd
abgewegen ist / Als denn hast du die
beste fliegende / auch hin vnd wider-
farende Racketen/so man haben vnd
machen mag.

D i So

So du nun wilt / das sie gerad in
die höhe faren / nimm obgemelts zeugs /
vnd truck das zündloch solchs zeugs
vol / damit er nicht herauf möge fal-
len / vnd hencke die Racketen gerad
vbersich / oder auff ein seyt / nach dem
du denn wilt das es hinfare / Doch
das es nichts ire vbersich zu kom-
men / Denn zünds an / laß faren. Sihe
auch das in anzündung / solches nicht
herab falle. Oder so du wilt / das sol-
che auff ebener erde gang artlich hin
vnd wider lauffen / Zu solchem be-
darffst du keines angebundenen rüt-
leins / sonder allein mit dem zeug ein-
gereumbt vnd angezündt / Kere fleiß
an in machung vnd füllung solcher /
denn gar viel an solchen gelegen ist /
Auch zu dem mehrer theyl schimpffli-
cher Feuerwerck / solche gebraucht
müssen werden / wie du denn inn den
beschreibungen sehen wirst / Auch auf
was



was andere manieren solche Raketen gemacht mögen werden / wirdt in nachgehenden beschreibungen folgen.

Damit du aber solchs alles deßter bas verstehn mögest / hast du hiebey ein form der fliegenden Raketlin mit sampt dem angebundenen rütlein.

D iij Wie

Wie vorgehende
fliegende Racketen zu zu-
richten sein/ auff das/so sie in die hö-
he kommen/zwen oder
drey schleg thun,


Erfilich ist von nöten/das du ha-
best drey Racketenstöck / da all-
weg einer grösser denn der ander
sey/das je ein Racket in die ander ge-
drungen hinein gehe / als nemlich/das
Kleinst in das mittel/vnd das mittel
samt dem kleinen darin inn das grö-
ste/Vnd wie du solche stöck außthey-
len / auch die Racketen machen solt/
bist du inn vorgehenden beschreibun-
gen vnterricht worden. Solcher Ra-
ceten mache drey/in jedem stöck eine/
So du nun solche hast/als denn nim
die grössst vnd fülle sie im stöck/auff
die

die weys / wie man sie denn pflegt zu
 füllen / mit Racketenzeug / doch nicht
 höher denn zweyer vberzwerchfin-
 ger hoch / vñnd denn so mach einen
 schlag drauff / nach außweysung / wie
 du denn inn beschreibung der Racke-
 ten vnterricht bist worden / So sol-
 ches geschehen / nimme die mittel Ra-
 cket / vñd fülle sie auch / doch allein an-
 derthalben finger hoch / vñ nachmals
 auch einen schlag darauff gemacht /
 So denn dieses auch geschehen / als
 den nimme das klein Racketlein / vñd
 füll es allein eines zwergfingers hoch /
 oder so fern es denn leiden mag / denn
 sie oben alle gleich sollen sein / vñd kei-
 nes für das ander gehen / auch einen
 schlag darauff gemacht / vñnd denn
 solch klein Racketlein oben nach art
 der Racketen beschloffen / Auch sihe
 dz solche ganz fleyssig gefült / auch die
 schleg artlich hinein gemacht werden /


D iij So

So denn solches alles geschehen/ als
denn nimb Racketenzeug/ vnd tru-
cke die zindlöcher der Racketen hart
vol/ das es nicht herausscher möge fal-
len/ vnd den so scheub das klein in das
mittel/ vnd hab acht das oben keins
für das ander gehe/ sonder gleich sey-
en / auch das es auff dem schlag satt
anstehe / Vnd so es zu lang / das es
werde oben abgeschnittē/ Nachmals
vberleim sie oben mit papier/ vñ so es
trucken ist/ so scheub beyde inn einan-
der geschobne Racketen in die grösser
Racket hinein/ auch das sie sat in ein-
ander auffstehen/ vnd oben alle ein-
ander gleich gehen/ Als denn alle drey
oben mit papier vberleimbt / Auch so
leim ein spitzlein von papier von bes-
serer form wegen darauff. Solches
alles hastu auff das artlichst in figu-
ren hie fürgestellt/ auff das du es auff
das aller best verstehen mögest.


Wens



Ein RACKET MIT ZWEIF SCHLEGENN



Ein RACKET MIT DREIEN SCHLEGENN



Wens möglich were/das du nach
dem sie außgemacht sindt / inwendig
solche sehen möchtest / hetten sie ge-
genwertige form vnd ansehen.

Wie du die spacia der buch-
staben verstehen solt / in vorge-
henden figuren.

Das spacium A bedent / das es
also hoch mit dem Racketenzeug/ein
jede Racket gefült solle werden.

Dis scheyblein B mit dem löch-
lein / sindt die hülzen schleg auff dem
zeug.

Das spacium C darob/ist da das
gefont puluer solle sein/den schlag zu
volnbringen.

Oben auff dem buchstab D/be-
dent den spitz vom papier auff dem
Racket.

Also verstehe es inn allen dreyen
Racketen.

So

So nu solches alles beschehen/als
denn ist die Rack et fertig. Nachmals
bind sie auch an ein ruth. Die leng sol-
cher ruth/ auch wie du es solt anbin-
den/ bistu vnterricht worden in vor-
gehenden Rack etē beschreibung. Die
dicke des rüthleins/ wirst du auß dem
augenmaß der leng können machen/
allein merck das sich solch rüthlein/
auch alle andere rütlein an fliegenden
Rack eten / fein proportionaliter sich
immerzu verlieren / biß sie gantzlich
zugespitzt werden/ Aber in allweg die
rechte leng behalten / Als denn einge-
reumbt/ angehenck't/ vnd angezündt/
denn wirst du nach dein begeren lust
sehen. Auch magst du/ so du wilt/ al-
lein von zweyen Rack eten also ma-
chen/ weichs allein zwen schlege thut/
Solchs alles stehet zu dein gefallen/
Nere fleiß an in diesem vnd andern/
von mehrer lust wegen.

Wie

Wie die gemeinen Racketen auch gemacht mögen werden/das sie an schnüren/Vnd so du wilt/widerumb hinder sich zu rück lauffen.

Erstlich nim der mittlen Racketen eine/vnd fülle sie auff das halbe theyl mit gewöhnlichem zeug/Auch das sie gefült werde nach art der Racketen/Doch bedarffst du keinen schlag von geförntem puluer/wie in andern Racketen/darein machen/sondern allein wie gemelt/Als denn laß dir einen hülzen schlag drehen/nach so dick als die gemeinen sindt/Wie du den solche machen sollest lassen/bist du zuvor vnterricht/Doch merck/das solcher schlag zumit keines löchleins bedarff/sondern ganz sein solle

solle / auch fein satt auff dem zeug
desgleichen im Racket herum be=
heb anlige / Vnd im hinein thun / inne
ein wenig mit verlassenen leym be=
streychen / Vnd so er darinn also ist /
als den zwen oder drey tropffen ver=
lassens leimbs auff den schlag hinein
fallen lassen / damit es gantzlich vnter=
macht vnd verleimbt werde. Nach=
mals wol trucken lassen werden / als
denn verzeichne außwendig am Ra=
cket / inn welchem ort eygentlich der
schlag sey / Denn dir solches zu wissen
von nöten wirdt sein / wie du denn
nachfolgendes hören wirst / Vnd denn
mit gemeynem Racketenzeug durch=
auff gefült / das es allein eines zimli=
chen kleinen fingers breyt (verstehe
nach der vberzwerch) vngesült blei=
be. Nachmals einen gewöhnlichen hül=
zen schlag mit ein löchlein oben auff
den zeug hinein gesetzt / vnd die sache
des

des papiers oben am Racket / mit ei-
nem messer hinein gedruckt / auff den
schlag / doch das das löchlein im schlag
damit nicht bedeckt werde / Vnnd
denn mit dem stößel solche fach wol
auffeinander geschlagen / Wie man
denn pflegt die Racketen zubeschlies-
sen. Auch sihe / das es also wol ver-
schlossen werde / denn wo solches nit
geschicht / möcht es leichtlich den för-
dern schlag herausser stossen : So es
denn also fleissig gefült / auch den gan-
zen schlag in der mit hinein geleimbt
worden ist / vnnnd zu förderst der ge-
löchert schlag ganz wol darein ver-
macht ist / Als denn nimm die Ra-
cket / vnnnd habe eygentlichen acht
auff die verzeychnuß des mittlern
schlags außwendig am Racket / wie
du denn zuuor vnterricht bist. Als
denn nim einen spitzigen pfriem vnnnd
stiche

stiche ein zimlich löchlein / gerad neben
dem mittlen schlag inn die Racket /
Vnd solch löchlein solle innerhalb des
gefülten halben teils / daran das recht
gebunden zündloch ist / sein. Als denn
nimme ein spitzig schreibmesser / vnd
stosse den spitz solches messers in das
gemacht löchlein / vnd fasse allein ein
fach papier / mit vbersich gericht
schneid des schreibmessers / vnd fare
also mit dem spitz durchaus / bis zum
ende der Racketen / mit auffschney-
dung durchaus des öbern fachs des
papiers / Vnd solle auff die seiten hin-
aus geschnitten werden / da denn zu
förderst der schlag eingemacht ist / Sol-
ches alles wirst du am besten in dieser
figur mercken vnd verstehen.

Wie

EIN RACKET DER HIN VND WIDER HER FIRD



XXV
Wie du diese
form verste-
hen solt.

A bedeutet dem
mitlen vngelöch-
erten schlag / da-
mit die Racket
inwendig vnter-
macht ist.

B bedeutet das
obertheyl / da der
gelöchert schlag
hinein vermacht
solle werden.

C bedeutet das
hinein gestochen
löchlein / da das
ferwer herauss
lauffen muß ins
fenerlein.

D die lini be-
deut

deut das Kenerlein / darinn das ferner
hinauff lauffen muß / die Rack et am
andern ort anzuzünden / so das halb
theyl verbrunnen ist. Nachmals nim
ein wenig gestossen puluer vnd geuß
brandten Wein daran / so viel das es
sich lasse zu einem teyglein machen /
Nim denn solch teyglein / vnd streich
das Kenerlein sampt dem löchlin auf-
wendig auff dem Rack et wol vol /
vnd das auffgeschnitten papier wi-
derumb ein wenig hinzu gedruckt /
damit solches dester weniger möge
heraus fallen / Als denn mache ein ge-
leimpts heublein von papier / das
gang gerecht auff die Rack eten sey /
vnd satt anlige / Welches sich so es
gemacht ist / einem de-



cklein eines Triack's-
büchlein vergleichen
wirdt / Welches form
du hie hast. Als denn
nim

nimm Racketenzeug / vnd truck oben
 auff den eingebundnen schlag solches
 zeugs / das es darauff bleibe / auch thu
 solches zeugs ein wenig in das decke-
 lein der Racketen / vñ drucke die Ra-
 cketen darein / das sie auf dem zeug / so
 im decklein satt aufstehe / Bestreyche
 auch die Racket mit einem zerlasnen
 leim vnter dem decklein / doch das der
 eingereumbr zeug nicht feucht dauon
 werde / vnd solcher auch nit möge hin
 vnd wider fallen / sonder alles sat auf
 einander aufstehe / Sihe auch das du
 mit dem leim das Kenerlein auff der
 Racketen nit verstreichest / damit das
 feur vnter dem decklein hinein möge
 lauffen / So solchs auch geschehe / nimm
 ein stück von einem Seerhor / zweyer
 finger kürzer den die Racket ist / vnd
 bind solch rhor zumitt auff die Ra-
 cket / vnd das es allein an beiden seiten
 angebunden werde / auch sihe dz solch

℥ ii rōlein


rörlein neben dem fenerlin seye/ Mer-
cke auch / das das rörlein an dem ort
da das fenerlin hinauf gehet / mit ei-
nem subtilen dretlein an stat des fa-
dens gebunden werden solle. Vrsach/
so das feuer darauß hinumb laufft/
das es sich nit abbrenne / aber an der
anderen seyten / solches vnnötig ist.
Doch habe acht / das dennoch das
feuer im fenerlein vnuerhindert des
dretleins möge darunter hinnumb
lauffen. Nachmals das zündloch vol-
zeugs gedruckt / vnd denn ein schnur
nach deinem begeren / von einem ort
zum andern gespannen / vnd solche
schnur durch das rhor gezogen/ Also/
das die Racke mit dem helflein von
dem ort / dahin du es deñ haben wilt/
gefert werde/ Als denn zünd es an/so
wirdt es sich nach dein begeren vol-
lenden.

Auch magst du so du wilt / gemein
gefüllt

gefült Racketen / also mit angebun-
denem Rhor an schnüren lauffen las-
sen / Doch das solche keinen schlag ha-
ben / mit welchen du denn ferrorwerck
von fernem magst anzünden / als stö-
cke oder andere ferrorwerck. So du
sie denn wie gemelt / brauchen wilt /
laß sie / da sie denn gewöhnlichen be-
schlossen werden / ein klein wenig of-
fen stehen / damit / so es an das ort
kompt / da es den solle anzünden / hin-
den heraus möge anzünden / Dem
ferrorwerck aber / biß behülfflich am
ort / da es denn solle angezündet wer-
den / mit ein wenig zerribenem pul-
uer / damit es nicht fehl gehe.

Weiters magst du auff ein ande-
re form zuwegen bringen (verstehe /
die herwiderfarende Racketen) nem-
lich von zweyen Racketen / die allein
vom gebreuchlichen zeug durchhauf
one schleg gefült sein / nim den solche /

℥ iij vnd



vnd mit sampt
 einem Seerhor zu
 sammen gebun-
 den/also/ das mit
 beyde zündlöcher
 auff eine seyten
 kommen/vnd die
 racket so du erst-
 lich anzündst/soll
 oben mit beschlos-
 sen sein/Als denn
 truck mit dem fin-
 ger oben ein we-
 nig zeugs darein/
 desgleiche in das
 zündloch der an-
 dern racket auch
 also gethan/ vnd
 denn ein heublein
 am selbigen orth
 vber beyde Ra-
 cketen gemacht/
 auch

auch ein wenig zeugß darein gethan/
 vnd also an dem einen ort solch heub=
 lein oder decklein daran geleinēt/ Wie
 du denn auch in nechst gemelter Ka=
 cketen vnterricht bist/ Als den an die
 schnur angehengt/ eingereumbt vnd
 angezünd/ so thut sie gleichs fals wie
 die vorgemelt/ Aber die vorig ist künst=
 licher/ auff solches hast du dieser auch
 ein figur.

¶ iij Wie

Wie du solt ma-
chen ein umblauffends red-
lein/das sich selbs treibt/so es
wird angezündt.

Nachs also : Nimmne erstlich ein
leicht holz/als nemlich/Linden/
auf solchem laß dir einen drechß
ler drehen ein redlein/das da vngeseht
eines schuchs weyt im Diameter sey/
In der dick aber zweyer / zimlicher
zwerchfinger dick / Vnd inn der mitt
soll es heraus gedrehet werden / das
allein zweyer völliger finger das auß-
ser teyl am redlein hoch sey/Als denn
laß außwendig in der mitte hinein dre-
hen/also tieff vnnnd weyt/ das/wenn
du der mittlen Racketen eine darcin
legst/das das ober vnnnd vnter theyl
daran / nicht vber die höhe des Red-
leins

leins gehe. Nachmals laß dir auch vier spaichen/ vnd ein neblein in solch redlein drehen vnd das neblein sol zu mitt ein durchgedrehet loch haben/in der groß wie ein zimlicher pfriem/ Auch das die spaichen in das neblein eingezepfft werden/ vnd so sie zu lang weren/ sollen sie abgeschnitten werden/auff das sie alle viere fein satt inwendig am redlein anligen/Auch sollen sie oben durch das aufgedrehet theyl hinein verbort vnnnd verleimbt werden/ So du denn solcher auffgemelter weyß bist nachkommen/ als denn ist das leer redlein fertig. Nachmals fülle das redlein auff folgende weyß. Nim der mittlen Racketen/ vnnnd fülle sie (wie du solche machen vnd füllen solt/bist du in irer beschreibung vnterricht) mit diesem zeug: Nim ganz klein zerriben oder gestossen schießpuluer/ein halb pfund/auch

L v rein


rein gestoffens Schwebel zwey loth/
misch solchen zeug ganz wol vnter-
einander/ vnd fülle von solchem zeug
der Racketen/so viel du denn zu sol-
chem redlein bedarffest / Denn je eine
zuring im redlein herum an die an-
der gehört/wie folge wird/Auch mer-
cke das solche Racketen ganz durch-
aus mit solchem zeug gefüllet sollen
werden/bedörffen auch keins schlags/
Als denn nim solcher eine/vnd thu sie
inn die aufgedrehet höle des redleins/
vnd denn nimm pantoffelholz/wel-
ches die Schuster brauchen/schneyde
stücklein darauß/die also beheb in das
redlein auff die Racketen gehen/das
die Racketen / so solche stücklein zu-
mitt darauß hinein gedruckt wer-
den/mit mögen heraußer fallen/Auch
das es an beyden seiten des gleichen
am Racketlein ganz satt anlige / vnd
auch oben dem redlein inn der höhe
gleich

gleich sey/damit das fewr nicht möge
 in anzündung eins Racketeleins gleich
 auch das ander anzünden / Wie dir
 die vbung solches besser zu verstehen
 wirdt geben / Als denn nimm einen gu-
 ten zerlasnen leimb / vnnnd leime die
 Racketen / Nachmals die stücklein
 darauff / auff nachfolgende weys ein/
 Doch zuuor die zündlöcher alle ganz
 satt vol zeugs getruckt / damit er nit
 möge inn bewegung solches redleins/
 heraus fallen / vnnnd solle allweg ein
 Racket an die ander geruckt werde/
 das eine die ander anrege / vnnnd denn
 hinein geleimbt / die Racketen sampt
 den stücklein darauff zu rings vñ im
 redlein / Doch das dise ordnung darin
 gehalten werd / nemlich das allweg
 die Racketen zusamen kommen / an
 der einen das vntertheil / an der an-
 dern das obertheil / Solches wirst du
 inn folgender figur klerlicher verste-
 hen.

hen. Auch solle die letzt Racketen be-
schlossen sein nach art der Racketen/
vnd sonst keine / Merck auch das die
erst vnd letzt Racket bey zweyen v-
berzwerch fingern nicht zusammen
gehen sollen / vnd denn solle ein stück
lein holz / das gantz geheh sich zwis-
schen die erst vnd letzt Racket schicke/
hinein geleimbt werden / zu vermey-
den / das die letzt von der ersten zuhin-
derst nicht angezündt werde / Vnd so
es sich schicke das die hinder Racket
zu lang were / als denn schneyd sie ab/
damit ob gemelte weyt zwischen der
ersten vnd letzten bleybe / Doch auch
wie gemelt widerumb beschlossen
werden / Vnd so solches alles auff
fleyssigest gemacht ist / habe ich dir zu
besserem verstand solchs / die nachfol-
gende figur dargestellet.

So es denn gnugsam getrucknet
ist / als denn schneyd papier nach dicke
des


des r
ober
vmb
dara
form
den
schon
lan ge
la
laßet



des redleins / vnnnd vberleim es oben/
 oberhalb der Racketen/das es gerings
 vmb/gang sauber vberleimbt werde/
 damit man nicht sehen mög/auff was
 form es gefüllet sey / So es denn tru-
 cken ist worden/ streich es allenthalben
 schwarz an / als denn ist gemelts red-
 lein gantzlich fertig.

Weyter ist von nöten/ das du dir
 lassst machen einen eyssen nagel / wel-
 cher

cher fornen hinaus ein gleiche dick ha-
ben sol/bis an den absatz/vnd inn der
leng/das/wen du das neblein des red-
leins daran stößt/ das er eines vber-
zwerchenfingers breyt fürgehe / vnd
fornen da er fürgehet/soll er ein lang-
werts loch haben / damit wenn das
redlein hinangeschoben wirt/ das du
mögest ein klein eysen speydelein dar-
durch thun / damit es nicht im vmb-
lauffen heraber möge fallen / Vnd
hinder dem redlein hinaus soll er ei-
nen absatz haben/vnd voraus ster-
ck er sein. Doch sich gleich widerumb
jmerzu verlieren / damit er zugespitzt
werde/vnd eingeschlagen möge wer-
den. Auff was form der nagel ge-
macht soll sein/sampt den speydelein/
magst du hieneben abnemen. Nach-
mals hefft solchen nagel wol ein/eben
vbersich/oder aber an ein seyten eines
block's oder pfostens / nach dem du
denn



XXXII

denn wilt haben
das es lauffe/ vñ
denn das redlein
daran geschoben/
das speidelein für
gesteckt / den reis
ein wenig papiers
dannē / damit du
es magst anzün-
den forne bey dem
ersten Racket.
Nachmals zünde
an/ vnd las lauf-
fen / so wirst du
treffentlichē vber-
aus schönen lust
sehen.

Wie




Wie du solt zu-
richten ein vberauß schön
vnd künstlich Feuerwerck / welches
genant wirdt der Stock mit viel
auffarenden feuern / ganz
lünstig zusehen.

Nachs also: Laß dir ein Drechs-
ler von gutem harten holz / als
Pirbaum oder Ahorn / &c. auch
das solch holz dürr seye / einen stock
drehen (welches denn also genandt
wirdt) auff folgende weys / nemlich /
nim solch holz / vnd laß es rund dre-
hen / anderthalb schuch lang / inn der
dicke aber / vier vberzwerch finger
dicck / denn solches ein gemeyne größ
eines stocks gibt / doch magst du sol-
ches grösser oder kleiner nach deinem
beger zurichten lassen / vnd solle durch
f ab

ab ein gleiche groß haben / on allein zu
oberst soll er haben ein form eines
Thurns von lustigers ansehens we-
gen / Auch das inn solchem Stock zu
vnterst ein loch hinein gedrehet wer-
de / vngesehr eins daumens weit / vnd
solch loch solle durchauff ein gleiche
groß haben / auch gerad in der mitt sol-
ches Stocks hinauff gehen bis zu o-
berst / das allein nicht mehr beuor blei-
be / denn eines vber zwerchenfingers
breyt / das solches nit durchgehe / vnd
da solch loch auff hört / laß es vol hin-
aß durchdrehen / mit einem drehne-
ber / der da nur halb solchs lochs wei-
te gebe / auff das du solches dest baß
verstehen magst / besihe nachfolgende
figur.

Weyter



xxxiii

Weyter / so er
also gemacht ist /
als denn teile sol-
che in vier / fünff /
sechs oder sieben
teil nach der run-
de herum / denn
so du in solchem
viel aufstehender
feyr begerest zu
habē / muß er desto
mehr teyl haben /
denn laß dir einen
Schreiner solche
teil mit dem hobel
abstossen ganz
gleich / so solches
auch beschehen /
solt du haben ei-
nen zwirelneber /
wie solche denn
die Drechsler ha-
ben

ben / vnd das solcher ein loch eines
zimlichen messerrucken weyter denn
die Racketen / welche du denn zum
stock brauchen wilt / gebe / die Racke-
ten seyen groß oder klein / Nachmals
theyle den stock auff allen seytten hin-
ab / mit einem zirckel gleich auß / also /
das wenn du inn jedem theyl ein loch
mit dem Zwirnelneber hinein lassst
drehen / das allweg zwischen zweyen
löchern spacium bleib / nemlich / zwei-
er messerrucken breyt / auch das sol-
che löcher ein jedes zweyer völliger
messerrucken tieff seye / vnd das sol-
che gerad inn der mitt einer jeden sey-
ten hinab gehen / das allein zweyer
zwerchfinger hoch vnten auff / der
stock kein loch habe (verstehe / mit
dem Zwirnelneber gemacht) denn da-
selbst hin gehört der stil / wie denn fol-
gen wirdt / Auch solches klerlicher zu
verstehen / besihe hiebey gesetzte Fi-
gur /



XXXV

gur/ vnd inn all-
weg achtung ge-
habt / das solche
aufwendige lö-
cher / so mit dem
zwirennieber ge-
macht / nit in das
mittel durchge-
drehet loch gehn.
Nachmals ein je-
des loch zumitt
mit einem dratt
durchgebrennet /
auf das solch löch-
lein in das durch-
gedrehet loch ge-
he / doch das solch
löchlein nit gröf-
ser seye / denn ein
zimlicher Haber-
halm. Also den laß
dir einen drechß-


f iij ler

ler ein stößel drehen / einer span lang/
der auff das aller gerechtst / so mü=
glich / die dick e hab / als weyt das loch
im Racketenstock ist / inn welchem
Racketenstock du denn die Racke=
ten zu diesem Feuerwerck machen
wilt / er seye klein oder groß / auf ge=
nommen die handheb solches stös=
sels / magst du nach deiner hand ge=
recht lassen machen. So denn sol=
cher stößel gemacht ist / so thu im fer=
ners also: Nim papier das zu halb bö=
genweys geschnitten seye / vñnd nach
der leng solchs papiers schneyde stück
herab / in gleicher breyt / durchab gleich
wie das papier / so zu den Racketen
gebraucht wirdt / doch solch papier
schneyd eines vberzwerchen fingers
breytter denn das Racketen papier /
Auch darff solch papir nicht geleimbt
sein / wie das so zu den Racketen ge=
hört / solcher papier schneyde so viel
als

als der löcher im stoß sindt / Nimme
 denn solcher eins / vnd schlage es vmb
 den stößel ein mal herum / vnd denn
 mit einem pensel einen zerlassnen leim
 am innern theyl des vmbgeschlagenen
 papiers durchaus darauß gestrichen /
 Als den das papir vber das stößelein
 gewickelt / auch das solches satt auff
 einander auffgewickelt werde / vnd
 kein fach für das ander gehe / oben
 noch vnten . Desgleichen hab auch
 acht / das der stößel mit dem leim
 nicht bestrichen werde / anderst die
 Rollen nicht vom stößel gehen / ver-
 stehe diese papieren Röllein / welche
 also genant werden / als denn solche
 Rollen von dem stößel ganz sehnlich
 abgezogen / damit solche nicht zusam-
 men gedrückt werden / vnd denn also
 lassen drucken werden / Auff gemel-
 te weys sollen alle Rollen gemacht
 werden / so viel du denn jr bedarffst /
 f üij nem=

nemlich / zu einem jeden loch eine / vnd
so solche vom stößel nicht gern wol-
ten abgehen / als denn bestreyche den
stößel zuringvmb mit seiffen / so gehn
sie gern herab / laß sie denn / wie auch
obgemelt / trucken werden / vnd denn
an einem ort solche rollen gerad her-
umb abgeschnitten / Als denn bestrei-
che solche außwendig mit zerlasnem
leim / eins halben vberzwerch fingers
hoch / an dem ort / da du es beschnit-
ten hast / denn so leim sie gerad nach
einander auff allen seyten ein / vnd
sihe / das die löcher die rechte größ ha-
ben / damit sie satt darinn stehen / nach
dem sie trucken darinn sind worden /
Auch sihe / das der leim nicht für die
löchlein so in stock hinein gehen / lauf-
fe / vnd den laß es ganz wol trucken
werden / So denn solchs auff's fleyß-
sigt gemacht ist / wird es nachfolgen-
der figur gleichförmig sein.

Weyter



Weyter nūn
 solchen stoß / vñ
 thu in jetweders
 angeleimbtz rōr-
 lein oder Kollen
 ein wenig papirs
 vnd stoß solch pa-
 pier mit ein stōß-
 sel wol hinein für
 die löchlein / vñnd
 also inn allen ge-
 than / des gleichen
 ein wenig papirs
 oben fürgescho-
 ben / da er den sol
 angezündt wer-
 den / damit der
 zeug weder oben
 noch zu den löch-
 lein / so in die an-
 geleimbtz Kol-
 len gehen / heraus
 f v mō=

möge schieben in füllung solches. Als
denn mache nachfolgenden zeug:

Ein gut schießpuluer. 12.lot.

Kol. 4.lot.

Schwebel. 3.lot.

Solche stück alle sollen zuvor ehe
vnd sie zusammen gewogen/auff das
aller reinst gestossen/vnnd durch ein
eng würtziblein gereden/ Nachmals
wie obgemelt abgewogen/ vnd ganz
wol vnter einander vermischet wer=
den (Diesen zeug magst du zu vielen
andern feurwercken brauchen/auch
du in etlichen nachgehenden beschrei=
bungen zu disem gewissen wirst/Auch
merck die feurwerck/so in jnen Ka=
rketen haben/zu solchē die angefeuch=
ten zeug nicht tügenlich seyen/sonder
dieser oder andere truckne zeug / wie
dir denn die vbung solches wird an=
zeygen) Als denn laß dir einen stößel
drehen/der da gerecht inn das durch=
gedre=

gedrehet loch des stock's seye / auch
 biß zu vnterst solches lochs hinab ge-
 he / Vnd denn nimme solches zeugs
 so viel du auff einem völligen messer
 magst halten / vnd denn inn den
 Stock vnten hinein gethan / als
 denn obgemelten stössel darauff ge-
 setzt / auch drey oder vier zimlicher
 schlege darauff gethan / damit sich der
 zeug wol auffeinander setze / Auff sol-
 che weys das ganze loch des stock's
 herauf gefült / doch das es allein zwey-
 er zwerchfinger hoch vngesült bley-
 be / denn inn solch ort der stil gehört /
 wie folgt / Als denn laß dir einen stil
 drehen zweyer spanne lang / so du
 anderst solchen Stock inn der hand
 wilt tragen / so du ihn brenst / Oder
 aber so du solchen wilt eingraben /
 wenn du ihn wilt brennen / als denn
 ist von nöten / das solcher stil lenger
 seye / nemlich / eines Mannes lang /
 vnd


vnd solcher stil/welchen du denn ha-
ben wilt/solle ganz satt sich vnten in
das loch des stock's schick'en/Als denn
solle solcher stil vnten durch den stock
wol verbozet vnd hinein verleimbt
werden/vnd den solchen trucken las-
sen werden / Als denn sollen alle pa-
pier/so inn die rollen geschoben wor-
den sind/zu verhüten das herauf stie-
ben des zeugs/ widerumb mit einem
gekrümbten dratt herauss' gethan
werden/vnd denn genomen ein sech-
zehen theyl eines lots gut gekörnt
schießpuluer/solcher theyl thu inn ein
jede angeleumbten rollen einen/Den
mustu haben gemachte Racketen/da
ein jede ein schlag habe/so viel den der
rollen am stock sein.Wie du aber sol-
che Racketen zurichten vnd machen
solt/bist du in beschreibung solcher ge-
nugsam vnterricht worden. Auch si-
he vor allen dingen/das solche Racke-
ten

ten ganz satt vnd beheb inn gemelte
 rollen gehen / damit so sie hinein ge-
 schoben werden / nicht mögen herauf
 fallen / Ja auch nit / das sie eines mes-
 serruckens breit herfür / in solchen ab-
 dem puluer gehend / Denn wo solchs
 geschehe / die Racketen inn brennung
 des stock's nit angezünd würden / Als
 denn die Racketen genommen / vnd die
 helflein solcher vol Racketenzeug ge-
 truckt / damit solcher gantzlich nicht
 möge herauf fallen / Solches mit al-
 len gethan / vnd denn solche genom-
 men / inn die rollen hinein geschoben /
 auff das puluer so du zuvor darein
 gethan hast / das es auff solchem satt
 auffstehe (verstehe die helflein der
 Racketen) vnd so solche ein wenig
 zu klein darein weren / als denn ein
 papier vmb solche gewunden / damit
 sie ganz satt / wie oben gehört / darins
 nen seyen / auff das / wenn du den
 stock

stock hin vnd her bewegst / das solchs
on nachteyl beschehen möge. So den
solches alles auff's fleysigest nach ob-
geschriebner weys genzlich gemacht
ist / als den ist solch fernwerck genz-
lich fertig vnd gerecht.

Doch ist von nöten / das du sol-
chem stock ein schöne form machest /
auch damit es nit gesehen möge wer-
den / auff was form vnd weis solcher
gemacht seye / Des gleichen das er ein
schön ansehen vberkorn / Solchs zu-
uolbringen / thu im also : Laß dir von
holz zwei dünne Scheiben drehen /
die inn der runde herum die weyte
der angeleimten Rollen völlig ha-
ben / in solcher Scheiben eine / laß zu-
mitt ein loch hinein drehen / das gerad
die groß habe / das sie nicht weyter
am stock hinab möge gehen / denn da
die form eines Thurns am Stock
auff hört / nemlich / eines zwerchfin-
gers

XL
gers hoch oberhalb der Rollen / Als
denn hefft oder leim solche Scheiben
daselbst wol an / damit sie nicht vber
sich oder vnter sich möge gehn / Nach
gehends thue gleichs fals mit der an-
dern Scheyben / allein das solche vn-
terhalb der rollen angehefft oder ge-
leimbt werde / also / das beyde scheiben
gantz sat vnd steysff daran stehen / als
denn etlich papier / doch einfach / nach
dem der Stock groß oder klein ist / zu-
sammen geleimbt / damit du den stock
zwischen beyden Scheyben vber-
leymen mögest / vnnnd denn solch pa-
pier an die ober vnnnd vnter Scheyb
angeleimbt / vnnnd wol angezogen /
damit es genzlich zwischen beyden
Scheyben fleyssig vberleimbt wer-
de / Vnnnd denn den gangen Stock
aufwendig auffs aller lüftigest an-
gestrichen vnnnd gemalt / Als denn ist
solch Feuerwerck genzlich fertig /
welches



welches genandt
wirdt der stock/
wie solcher ein
form habe / nach
dem er außgema-
chet ist / besize die
hiebey gesetzte fi-
gur.

So du denn
solch fennwerck
wilt brenne / gra-
be solches ein / o-
der trag es nach
dem du denn sol-
che gemacht hast /
vnd den oben ein
gereumbt vnd
angezünd. Als
den wirst du ein
vberaus schönen
lust sehen / Denn
solchs vnter den
schimpff-


XLI

schimpff lichen Feuerwercken gar
nahe das lustigest zusehen ist. So du
nun solch Feuerwerck fleysig kanst
machen / auch solchem fleissig nachge-
hendest / magst du vnzalbare Feuer-
werck dardurch zu wegen bringen /
vnd lernen machen / wie dir solches /
so du dich darin wirst vben /
wol wirdt anzeygung
vnd vnterricht
geben.

G Ein

Ein Streitkol- ben mit auffarenden feyern.

Erstlich wil ich dir anzeigen/war-
umb dis feyrwerck ein Streit-
kolb genant wirdt/nemlich dar-
umb/das irer zwen oder mehr schim-
plicher weis (als / nemlich zu Fas-
nachtzeiten) mit einander streitten
mögen/vnnd zu solchem streitt solche
ganz tügentlich meines gedunckens
gebrauchet mögen werden. Wie denn
solches volbracht werde/wirst du in
nachgehendem vnterricht hören/nem-
lich also/ Laß dir ein Rhor von dür-
rem Alhorn oder Pirbaum drehen/
das nachgehende form vnnd gestalt
habe/def gleichen scheyblein/deren fi-
gur auch nachgehends verzeichnet ist.
Wie



Wie du diese Figuren verstehen solt.

Das ganze Rhor ist mit D ver-
zeychnet.

Die absetz solches Rhors bedeu-
ten die Buchstaben L.

Die löchlein so ob den absetzen hin-
ein ins Rhor gehen/ sindt mit dem F
verzeychnet.

Die Scheiblein so auff die absetz
gehören/ sind mit G verzeychnet.

Der punct inwendig der Scheib-
len/ so das eingehend löchlein bedeut/
ist auch mit dem F verzeychnet / Dr-
sach/ das dises sampt den andern löch-
lein auffeinander inn hinan streiffung
der Scheyblen kommen sol/ die denn
am rhor gleiches fals mit F verzeich-
net sind.

Dieses Rhor solle die groß haben/
das ein durchgehend loch dardurch
gedrehet

gedrehet sey / welches die gröſſe soll
 haben / das ein Daumen darein ge-
 stossen möge werden / Auch soll solch
 sich immerzu ein wenig erweytern /
 nemlich / das es vnten am weytesten
 seye / vnd sich in anzündung desselbi-
 gen das fewr best bas herausser drin-
 ge / von wegen das vnten mehr zeugs
 denn oben im rhor ist. Nachgehends
 merck / das solche absatz / so mit dem
 E verzeychnet / diese breyt sollen ha-
 ben / nemlich / eines zimlichen zwerch
 fingers breyt / vnd obertheyl diser ab-
 satz / nemlich / zweyer messerrucken
 breyt solle ein löchlein ob jedwedern
 absatz gemelts rhors hinein gemacht
 werden / eines rockenhalms groß /
 wie denn solche löchlein am rhor mit
 dem F verzeychnet sind / Auf solche
 absatz sollen runde Scheyblein gedre-
 het werden / Nemlich also / Das erst
 Scheyblein am obern absatz sol ha-
 ben

bet ein loch inn der mitt gerad / also
groß als das Rhor oberhalb des ab-
satz/da den das löchlein hinein gema-
chet ist / auch das solchs angemeltem
Rhor ganz sat anlige/so es daran ge-
streiffet wirdt / vnnnd die breyt solches
scheibleins solle eines zwerchfingers
breyt sein/gleich dem absatz / deß glei-
chen die dick / vnnnd so das scheyblein
ans Rhor gethan wird/das es genetz-
lich dem absatz gleich seye / damit die
Racketen vnuerhindert heraußer
mögen faren/wie du denn/so es fertig
ist/augenscheinlich sehen magst. Das
spacium aber des Rhors / zwischen
dem ersten vnnnd andern absatz/solle
ein gleiche dick habē/ biß zum andern
absatz hinab/vnd den auch ein scheib-
lein gleicher form / wie oben gemelt/
gemacht / doch wirdt solch scheyblein
größer denn das ober / Vrsach / das
loch solches andern scheybleins müsse
die

die groß haben / das solch Scheyblein
möge vber den obern absatz hinab ge
than werden / vnnnd denn solches am
andern absatz ganz gehet vnnnd satt
anlige / die dicke vnd breite solchs (ver
stehe außserhalb des lochs) solle aller
maß genzlich wie von ersten gesagt
ist / sein.

Das dritt vnd letzt spacium aber
solle der gestalt gemacht werde / nem
lich / das es sich durchab immerzu als
ein wenig verliere / auff das allein das
Rhor vnten die dicke behalt / so fern
du den vermeinst von nöten zu sein /
als nemlich / außserhalb des lochs ei
nes zimlichen zwerchfingers breyt /
als denn solle vnten an solch rhor ein
eingehender absatz / durch die halbe
dicke des holtz gedrehet werden / sol
cher absatz soll dreier zwerchfinger
lang sein / vnd vnterhalb solchs absatz
zweyer messerrücken breyt solle ein

S iij löch=

löchlein gleicher größ / wie oben ge-
melt / hinein gemacht werden / ver-
stehe die löchlein so mit f verzeychnet
sind / Als denn auch ein Scheyblein
gantzlich nach vorgemelter art an jertz
gemelten absatz gemacht / allein das
solches nicht oben herab / wie die an-
dern gethan wird / sonder vnten hin-
auff / vnnnd das du eygentlich wissen
magst / wie lang die spacia zwischen
den absetzen sollen sein / thu ihm also:
Nimb der kleinen Racketen eine / die
gefüllt sey / vnnnd wie lang denn solche
ist / also hoch / oder eins halbē zwerch
fingers höher sollen die spacia zwi-
schen den scheiben vnnnd absetzen sein /
auf genommen das obertheil des rhors
solle zweyer zwerchfinger höher für-
gehen (verstehe für die Racketen)
wie du denn nachgehends hören vnd
sehen magst . Nachgehends nimme
die drey Scheyblein / vnnnd theyl sie
oben

oben herum inn so viel theyl als sol-
 che denn leyden mögen / Nemlich al-
 so / das wenn du mit dem zwirnelne-
 ber inn solche theyl der Scheyblein
 löcher herum lest drehen / das allweg
 zwischen zweyen löchern spacium
 bleybe / zweyer messerrucken breyt /
 Auch sollen solche löcher allein auff
 das halbe theyl der dick der Scheyben
 hinein gehen / Vnd das du wissen
 magst / wie groß der zwirnelneber soll
 sein / damit dise löchlein gemacht wer-
 den / bist du solches gnugsam vn-
 terricht worden inn beschreibung des
 Stock's / denn daselbst gleichförmige
 löcher gemacht müssen werden / Vnd
 denn bor mit einem ganz kleinen ne-
 berlein alle eingedrehte löcher je eins
 ins ander / vnd solch zusammen bo-
 ren solle zu vnterst in den löchern be-
 schehen / allein das das letzt kein löch-
 lein / so inn das erst gehe / habe / damit
 G v so es


so es angezündt wird/ das feuer in
scheyblein nicht auff beyden seytten
herumb möge lauffen / sondern eines
nach dem andern abgehe / vnnnd das
auch ein jedes scheyblein vor dem loch
hinein inn das erst zwirelloch/inn der
mitte der dick ein löchlein eines Ro-
ckenhalms groß habe/dardurch denn
die Racketen angezünd werden/vnd
wenn du die scheyblein an das Rhor
straiffst/das jetzt gemelte löchlein/vñ
die löchlein so bey den absetzen sindt/
gantzlich auffeinander kommen / vnd
gerad in einander gehen/vnd zu meh-
rerem verstand/sind solche löchlin am
rhor/des gleichen an den scheiblen/mit
F verzeichnet worden / in vorgehen-
den figuren/Als den leim solche schei-
ben an gemelt rhor an / wie jetzt ge-
hört/vnd sihe das die löchlein nit auch
damit verleimbt werden/Nachmals
mustu rollen von papier machen die
der


der gestalt gemacht seien / nemlich das
 die Racteten gedungen hinein gehn/
 wie du aber solche machen solt / ist vn
 nötig widerumb zuerholen / denn du
 inn nechst vorgehender beschreibung
 des stock's solche zumachē vnterricht
 bist / vñ den solche rollen ganz fleissig
 in gemelte löcher eingeleimēt / also / das
 in alle löcher ein geleimete rollen kom=
 men / auch das solche am rhor herauff
 anligen / doch sihe in allweg / das weñ
 du solche einleimest / das der leimb nit
 für die kleinen löchlein / so von einem
 loch in das ander gehen / lauffe / laß es
 denn also ganz wol trucken werden.
 So denn solches auch beschehen / als
 denn mache diesen zeug welchen du
 denn in nechst vorgehender beschrei=
 bung des stock's vnterricht bist / nem=
 lich / von puluer / fol vñnd schwebel/
 wie viel jedweders / wirst du vnter
 gemelter beschreibung vnterricht.

Vñd

Vnd denn nimm solches zeugs all-
weg ein wenig / vnd in das durchge-
hend loch des rhors gethan / als denn
mit einem stößel vnten hinein wol
vnd fest auff einander gesetzt / biß
solch loch gantzlich gefüllet ist / allein
das es vnten eines völligen zwerch
fingers hoch vngesüllet bleybe / von
wegen des stils so darein gehört / Als
denn laß dir einen stil daran drehen /
zweyer spann lang / der sich gerad vn-
ten in gemelt Rhor schicke / Vnd sol-
cher solle verbozet / vnd hinein ver-
leimbt werden / So solches auch be-
schehen / als denn nimm ein sechze-
hendtheyl eines loths gut gekörndt
schießpuluer / vnd denn inn jede rollen
solcher theyl einen gethan / auch wol
hin vnd her gerüttelt / damit solch
puluer auch in die kleinern löchlein in-
wendig der zwirellöcher komme /
Sonderlich aber in dem loch / da das
ferwer

ferwer auß dem Rhor heraus kompt/
 damit es alles recht nach einander ab-
 gehe/inn anzündung des Streytfol-
 bens/Denn must du haben gemacht
 Racketen / da ein jede ein schlag ha-
 be/so viel denn der angeleimbtten rol-
 len am Rhor sindt/ Wie du aber sol-
 che Racketen zurichten solt / bist du
 in ier beschreibung genugsam vnter-
 richt worden/ Allein merckē/das sol-
 che ganz getrungen inn solche rollen
 gehen / damit sie nicht heraus mögen
 fallen in bewegung solches/ Als denn
 truck die helflein der Racketen vol
 Racketenzeug / damit es nicht her-
 auß möge fallen / Solches mit allen
 gethan / vnd denn solche inn die rol-
 len hinein geschoben auff das puluer/
 damit solche ganz satt darauff auff-
 stehen. Doch zu mehrerem verstand/
 damit du es dester bas verstehn mö-
 gest / besihe nechst vorgehende be-
 schrei-





XLVIII
 schreibung des
 stock's / wirst du
 als denn solches
 leichtlich volbrin-
 gen mögen / so du
 anderst die be-
 schreibung des
 stock's recht ver-
 stehest / vnd dises
 gemelten Ferra-
 werck's hastu zu
 vberflüssigē ver-
 stand solches ein
 figur hie neben
 beygesetzt.

So

So denn solchs alles auff's fleys-
sigest gemacht ist / als denn ist solch
Fewerwerck fertig / allein das auch
wie vom Stock gemelt ist / solchem
Fewerwerck ein schöne form von ein-
fachem vberleimbtem / auch gemal-
tem papir gemacht werden soll / was
form denn dir daran gefellig ist.


So du denn erzelter beschreibung
in allen fleissig nach kompst / wirst du
nicht ein vnartzweylig Fewer-
werck sehen / so du sol-
ches wirst bren-
nen.

Ein

Ein schiessende Fackel oder Wind= liecht.

Nachs also: Laß dir ein Drechs=
ler von dürrer holz ein Rhor
drehen/auff folgende weiß/nem
lich also: Solch Rhor solle rund vmb
als dick sein / als vngesehr ein Taler
sein mag / oder so du wilt / magst du
es dicker vnd grösser machen lassen/
nach deinem gefallen/solch Rhor sol=
le dreier spann lang sein / vnnnd gerad
durch die mitte des Rhors/nach der
leng/soll ein loch hinein gedrehet wer=
den/inn der größ / das einer möge ei=
nen zimlichen daumen darein stos=
sen / doch das solch loch nicht tieffer
denn zweyer spann tieff hinein gehe/
Vnd den laß dir drey absetz aufwen=
dig

dig ans rot drehen / als nemlich / oben /
mitten vnd vnten / verstehe / nach der
leng des auß gedrehten lochs zurech=
nen / Vnd solche absatz sollen aussen
hinein zweyer zimlicher messerruck en
tieff gedreht werden / vnd dreyer
zwerchfinger lang / auch das der ober
absatz bey ein zwerchendaumen nit
an dem ort hinaus gehe / Des gleichen
der vnter einem zwerchdaumē obert
halb außgangs des lochs am Rhor /
vnd vnten am Rhor / vnterhalb des
lochs solle ein feine handheb gedreht
werden / solch daran zu tragen / wie
folgen wirdt / vnd denn solche ab=
satz mit kleinen schnüren / als sennen=
garn ganz hart damit vberbunden /
das allweg ein bund an den andern
sein ordenlich nacheinander komme /
vnd auß gehörte weys die absatz mit
schnüren vberbunden / das sie dem
Rhor gleich sindt / denn leglich wol
ver=



²
 verknüpft vñ sol
 che absetz sampt
 irer vberbindüng
 beschicht / zu ver-
 meiden / das solch
 Rhor mit reissen
 möge in abgehen
 der schlege. Wie
 denn solch Rhor
 solle sein / hast du
 hiebey des selbigē
 ein figur. Nach-
 gehends lasse dir
 schleg dreen / nach
 außweisung wie
 du inn beschrey-
 bung der ersten
 Racketen vnter-
 richt bist wor-
 den / Doch der
 gestalt / das sol-
 che schlege ganz

S ij ge-

gerecht in gemelts loch des rhors seyen/
nemlich/das sie ein wenig gedrun-
gen in das loch gehen/als denn nimme
des zeugs / so zu dem Stock gebraucht
wird/in derselbigen beschreibung
du solchen zumachen vnterricht bist
worden/nemlich/von puluer/kol vnd
schwebel/als denn laß dir einen stößel
drehen / der da ganz gerecht inn das
loch des gemelten Rhors seye / vnnnd
biß zu vnterst solches lochs hinab ge-
he. Vnnnd denn nimme solches zeugs
allweg ein wenig/ vnd denn mit dem
stößel wol auffeinander gesetzt/vnd
das Rhor solle gemelter weysß auch
von gemeltem zeug vnten auff zweier
finger hoch gefült werden/Als den
nimme gut gekörnt Schießpuluer ein
quintlein / vnnnd thu es auff den ge-
setzten zeug ins Rhor hinein/ Als den
einen gedreheten schlag darauff hin-
ein gethan/vnd eben achtung gehabt/
damit

damit solcher schlag den breyten weg
 auff dem puluer aufflige / Als denn
 gar ein wenig klein zerriben puluer
 oben auff den schlag hinein geschütt/
 vnd an das Rhor geflopfst / damit sol
 ches in das löchlein des schlags kome/
 vnd der schlag dadurch angezünd mö
 ge werden. So solches auch besche
 hen / nimme gleiches fals wie vor ge
 melt / obgemeltes vermischten zeugs/
 vnd aller maß wie gehört widerumb
 mit dem stößel hinein gesetzt / auff
 zweyer zwerchfinger hoch / vnd denn
 widerumb einen schlag von puluer
 vnd gedrehten schlegel / wie du denn
 vor auch vnterricht bist / darauff ge
 macht / vnd auff gemelte weiß solle
 das gang Rhor gefült werden / nem
 lich / so des langsam brennenden zeugs
 zweyer zwerchfinger hoch darinn ist/
 das alweg ein schlag wie gemelt / dar
 auff gemacht werde / So den solches

h ij alles

alles auff's fleysfigest beschehen / als
denn ist solches gantzlich fertig / Vnd
den streiche solch Rhor außwendig/
vber die schnur vnd allenthalben
schwarz an / von bessers ansehens
wegen / Nachgehends ist solchs
nach aller notturst fertig.

Wie


Wie du solt zu=
richten schöne Feuerfug=
len/ins wasser auß der hand zu
werffen/oder auß einem
Mörser oder
Böler.

Machs also: Laß dir ein Drechs=
ler von gutem hartem Alhorn=
holz / das dürr / auch vierspalt
seye/wie denn solches den Drechslern
wol bewußt/Von solchem laß dir ein
runde Kugel drehen/nach deinem be=
ger / nach dem du sie geren groß oder
klein wilt haben / In solche Kugel laß
ein loch hinein drehen/vngefehr in der
weyte eines bagen groß/zu solchem
loch hinein lasse die Kugel innwen=
dig rund vmb hol außdrehen / auff
das sie nicht dicker bleybe / denn
H iij eines

eines vberzwerchen fingers dick / es
were denn sach / das die kugel zimlich
groß were / als denn ist von nöten/
das du solche etwas deſter dick er laſ=
ſeſt / wie ein jeder ſolches bey ihm ſel=
ber mag abnehmen / vnd das ſolche ku=
gel rundvmb ein gleiche dick e habe.
Als den laß mit einem Drehneber ein
loch inn die kugel boren / nemlich / das
beide löcher gerad vber einander kom=
men / alſo / das das loch / zu welchem
du die Kugel haſt laſſen aufdrehen /
vnten ſey / vnd das jetztgemelte oben /
welches denn das zündloch der kug=
len ſein wirdt / vnnnd die groß ſolches
zündlochs ſolle ſein / nach dem denn
die kugel iſt. Als nemlich / ſo die kugel
einer fauſt groß vngefehr iſt / als denn
ſolle das zündloch ſo groß ſein / als ein
gemeiner pfriem am dick eſtē ort mag
ſein / Vnd ſo denn ſolche kugel größer
were / als nemlich / vngefehr eines zim=
lichen

lichen Kopffs groß / Als denn solle das
 zündloch die groß habē / das du magst
 den kleinen finger biß ans erst gelied
 in solches loch stossen / Vnd nach jetzt
 gehörter weyß soll das zündloch an
 kuglen gemacht werden / das du zu
 vnd abnimest / nach dem sie den groß
 oder klein sein / denn solches allein auf
 dem augenmaß beschehen muß / dar=
 umb das keine proportionierte auf=
 theilung darinnen sein kan / So denn
 solche kugel in allen dingen obgemel=
 ter weyß zugericht ist / als denn ist sie
 fertig (versteh die leere kugel) Sol=
 ches hast du die nachfolgende figur
 zu besehen.

h v Nach



Nachmals mache diesen folgen-
den zeug: Nimme gut schießpuluer ein
pfund / Salpeter ein halb pfundt/
Doch das solcher ganz wol zuvor ge-
leutert seye/Wo denn solchs nicht we-
re / hast du zusehenderst in diesem Büch-
lein genugsamen vnterricht / wie du
in zürichten solt/das er zu allen feuer-
wercken bequiem vnd tügenlich ge-
macht

111
macht solle werden. Weyter nimme
auch Schwebel ein vierding eines
pfunds / Kol zwey loth. Solche
stück alle sollen zuuor gang rein ge-
stossen / vnnnd durch ein eng Würtz-
sieb gereden werden / Nachmals die-
se stück auff gemelte weys zusammen
gewegen / vnnnd gang wol ver-
mischt in ein Mörser / Als denn nimme
auch ein vierdig eins pfunds Leinöl /
vnd in gemelten vermischten zeug ge-
schüt / als denn mit ein Mörserstößel
gang wol solche zeug auff ein vier-
theyl einer stund zusammen vermischt /
vnd durcheinander gearbeytet wer-
den solle / Nachmals nim solche kugel /
vnd thue jetzt gemelts zeugs ein we-
nig zu dem vnterm loch der Kugel
hinein / vnnnd denn mit einem hülzen
stößel solchen zeug auff das hartest
so möglich / hinein gesetzt.

Auff solche weyse / jemals ein
wenig

wenig genommen / vñnd allweg wie
gemelt / auffeinander ganz hart vñd
satt gesetzt / solches gethan / biß solche
kugel gantzlich gefült werde / vñd das
allein an solcher kugel vñgefült bley=
be die dicke der kugel im loch / damit
ein klotz wie volgt / darein verleimbt
möge werden / Als denn laß dir einen
runden zapffen drehen / der sich in ge=
melt loch ganz satt hinein schicke / die
kugel damit zu beschliessen / vñd denn
solchen zapffen inn gemelt loch hinein
getrieben / doch achtung gehabt / das
die kugel keinen spalt dardurch be=
komme / auch solle gemelter zapff zu=
vor in einen zerlassen leimb getunckt
werden / vñd also in solch loch hinein
verleimbt werden / So denn solcher
auff gemelte weys darinnen ist / als
denn hab acht / das er der kugel auß=
wendig ganz gleich gehe / damit die
beschlossen kugel also mit sampt dem
einge=

eingeleimbtten zapffen gangz rund
 seye/ Nachmals nimme ein holz einer
 spann lang/ vnd schneid an einem ort
 ein zepfflein daran / das es sich gangz
 eben in das zündloch der kuglen schi-
 cke/ vnd denn solch holz inn gemelts
 loch gangz wol hinein geriben/ damit
 die kugel nicht ab solchem möge fal-
 len / So solches auch geschehen als
 denn nimme ein gut theyl pech / zer-
 laß es in einem geschirz ob dem fexor/
 vnd so es zergangen/ als denn nim-
 me das holz daran die Kugel ist/
 vnd halt die kugel darein / auch darin
 umbgewendt / damit solche Kugel
 gantzlich an allen orten vberpicht wer-
 de/ vñ solch verpichen beschicht meh-
 rer theyls allein darumb / das man
 nicht möge sehen / das solche Kugel
 von holz gemacht seye/ denn sie sonst
 gemeiniglich von zwilch gemacher
 werden / sonderlich so sie zum ernst
 gebraucht

gebraucht/oder auß mörsern geworff-
fen werden. So denn solches alles
beschehen/als denn ist gemelte Kugel
ganz fertig / Wenn du denn solche
wilt brennen / raum oben im zünd-
loch ein wenig ein / mit einem pfriem
gemelts zeugs. Desgleichen ein we-
nig zerriben puluer oben darauff ge-
strewet / damit sie dester ehe ange-
zündt werde / Vnnd denn mit einem
Fewerscham oder zündstrick feuer
geben/Laß denn ein wenig angehen/
biß sie auff den zeug hinein brinnet/
welches du erkennen magst / so das
feuer inn der Kugel anfahet hefftig zu
rauschen/vnnd heraußer zu dringen/
als denn wirff solche auß der hand
inn ein wasser / wirdt sie denn nach
deinem begeren brinnen vnnd lust ge-
ben.

Doch merck / so solche Kuglen klein
sind/haben sie solchen mangel/das sie
nicht

nicht gleich den grossen vnter das
wasser im hinein werffen fallen / son-
der empor schwimmen / solches must
du fürkommen / folgender weys / nem-
lich / so sie noch vngesült ist / laß ne-
ben dem vntern grossen loch / vnge-
fehr eines fingers breyt / ein ring her-
umb drehen / auff das halb theyl der
dicke der Kuglen hinein / Vnd sol-
cher ring solle inwendig im holz vn-
derwärts hinein ein wenig gedrehet
werden / damit das hinein gegossen
bley nicht möge herauß fallen / wie
folgt. Nachmals nim verlassen bley /
vnd denn solchen ring vol gegossen /
vnd gestehn lassen / Auch solche kleine
Kugel aller maß wie von den grossen
gesagt / gesült / verzepft / verpicht / vnd
lezlich eingeraubt / vnd ange-
zündt werden solle. So denn sol-
ches alles auff's fleissigest nach gemel-
ter meynung gemacht ist / wirst du
vberauß

vberaus schönen lust sehen. Doch so
du disen zeug gern etwas rescher vnd
behender woltest haben/magstu sol-
ches volbringen / so du das öl nach
seinem gewicht nit gar nimmest/doch
habe fleyssig acht/das du nicht zu vil
heraussert lassst / anderst der zeug die
kuglen zersprengen möchte.

Weyters auß sonderer lieb so ich
zu den künstlern trage / wil ich hie ein
Cautel vnd Secret zu allen Feuer-
kuglen dir anzeigen / welches ein rin-
ge kunst / aber doch ein mercklich stü-
cklein ist / Welches einzig stücklein
dafür mag sein / so etwan ein Kugel-
zeug zuresch were/das er möchte die
kugel sprengen / vnd dir schaden dar-
durch zugefügt möchte werden/Sol-
ches zu fürkommen/nimme alweg so
offt du ein pfund zeugs hast/ein loth
klein geschaben wachs/vnnd solches

zu solchem zeug gethan/ vnnnd darein
 vermischet/ Wiewol solchs zu vorge-
 meltem fugeln zeug/ ganz nicht von
 nöten ist / denn solcher ganz gewis
 vnd gerecht ist/ vnnnd dieser vnter an-
 dern vielen der best ist/ welche ich mit
 willen vnterlassen hab anzuzeygen/
 gemelter vrsach halb. Diuweyl aber
 andere compositiones von etlichen
 künstlern zu Feuerfuglen auch ver-
 ordnet sind/ welche jr werck vvilleicht
 nicht so getrewlich an tag möchten
 geben haben / als ich (doch one rhum
 zu melden) wil ich dir solches im be-
 sten angezeygt haben/ Denn du ganz
 leichtlich jemmerlich verbrant möch-
 test werden / wo du allen schmutz an-
 tischen Feuerwerck beschreibungen
 nach woltest gehen / wie denn mir
 zum theyl beschehen/ ehe vnnnd ich sol-
 cher ein gnugsame erfahrung gehabt
 habe / Derhalb so ich meniglichem
 I nicht

nicht inn diesem vnd anderm hette
wollen dienen / wolt ichs mir behal-
ten haben / Bitt wollest es mit
geneygtem willen / wie ich
es denn dir warlich
mittheyl / auff-
nemen.


Item



Fewtuglen / so
sie auff einem platz ange=
zündt werden / das solche zwen
oder drey sprüing thun.

Du im also: Erstlich laß dir ein
Kugel drehen von holtz / inn aller
form / wie du im nechst vorge=
hender beschreibung vnterricht bist /
So denn solches beschehen / als denn
laß dir einen Schlosser von einem
starcken eyßen sturzgrölein ma=
chen / auff folgende weyß /
nemlich also:

Diese



J in


Diese rhörlein sollen sein von gu-
tem starcken stützblech/ vnnnd sollen
ganz wol verlöt werden / auch ein
starcken bodē in jedweders gemacht/
vnd den verlöt werden/ Des gleichen
solle ein jedes rörlein oben einen auf-
gehenden rand haben zweyer messer-
rücken breyt / auch solle an jedem ein
zündloch gerad auff dem bödemlein
hinein gemacht werden/ inn der größ
einem gemeynen Büchsen zündloch
gleich/ Auch das solche rörlein allweg
eins ein wenig lenger denn das ander
seye/ wie du inn den Figuren solches
kierlich magst abnehmen: A bedeutet die
vorgehenden rend am rörlein / B be-
deut die bödemlein solcher rhörlein/ C
bedeut die zündlöcher. Als denn nimm
die kugel/ vnnnd lasse drey runde löcher
vmb das loch/ da man denn die kugel
pflegt zu füllen/ hinein drehen lassen/
gerad so groß / das die rörlein bis an
die

die fürgehende rend satt hinein ge=
hend. LX

Nachmals nim̃ solche rōrlein / vnd
in ein jedes einen schuß puluer gethan /
doch das solch puluer mit das rōrlein
möge sprengen / Welches den du dem
augenmaß nach sehen magst / Oder
aber so du wilt / das die Kugel deſter
höher ſpring thu / Als denn laß dir die
rōrlein deſter ſtercker machen / damit
du ein gut theyl puluers darein thun
mögeſt / vnd dennocht ſolche rōrlein
mit ſpringen mögen / auch mußt du ha=
ben in jedes rōrlein ein klöz vber das
puluer / welcher ganz beheb hinein
zimlicher maß geſchlagen ſoll wer=
den / Vnd ſolche klöz ſollen haben die
leng / das ſie auff dem puluer in rōr=
lein auffſtehen / ſo ſie hinein geſchla=
gen ſindt / wie oben gemelt / Vnd
denn ſolche klöz / ſo weyt ſie vber die
Rōrlein fürgehend / abgeſchnitten /
I iii Nach=

Nachmals nimme ein wenig puluer/
auch mit ein wenig gebranten wein
angefeucht/vnnd zertrieben zu einem
dicken teyglein / Als denn die zündlö-
cher solcher rhörlein außwendig ganz
vol gestrichen/Nachmals solche rhör-
lin in die löcher/so derwegen gemacht
seyen/hinein gethan / vnnd durch die
rend mit kleinen negelein an die kugel
gehefft / das sie ganz satt vnnd steiff
darinnen stehen. Zu besserem ver-
stand besihe diese figur.

Diese



Diese Figur ist also zu verstehen / nemlich / wenn möglich were / das du durch die Kugel hinein sehen möchtest / hette sie obgemelte form / Nachgehends mach diesen folgenden zeug : Nim Salpeter der wol geleutert seye drey theyl / Schwebel ein theyl / weysß faul holtz von einem alber oder Felbenbaum ein theyl. Und
 J v solche

solche stück sollen zuuor auff das rei-
nest gestossen werden / das faul holtz
aber muß zuuor wol gedörrt werden /
es leßt sich anders nicht klein stossen.
Auch wirdt die theylung dieses zeugs
nit abgewegen / wie die andern zeug /
sonder mit einem maßlein als schüs-
selein / becher oder dergleichen ganz
fleissig abgemessen / nach obangezeig-
ten theylen / Vnd denn auff das beste
vnter einander vermischet werden.
Als denn fülle solche kugel mit gemel-
tem zeug ganz sat auff einander / vnd
sihe / das es hinderhalb der Khorlein
auch gefült werde. So denn du bes-
sern bericht begereß / wie du solche
füllen sollest / bist du inn nechst vorge-
hender beschreibung gnugsam vnter-
richt worden / So denn die kugel also
gefült ist / als denn leime einen runden
zapffen für das loch / der außwendig
der Kuglen gleich seye / Nachgehends
vber-

vberpich sie. Wie solchs geschehen sol
 bist du auch in vorgehender beschrei-
 bung vnterricht. So denn solchs al-
 les beschehen / als denn ist sie gantzlich
 fertig / so du solche den brennen wilt /
 so sihe / das es auff einem ebenen platz
 geschehe / denn raum oben bey dem
 zündloch ein / setz sie von dir / vn̄ zünd
 sie an / wirst du nach oberzelter mey-
 nung dein beger volbringen. Mercke
 auch das dieser kuglen zeug / so in ge-
 genwertiger beschreybung angezeigt
 wird / weyß ist / vnnd solches bey den
 Feuerwerckern für ein kunststück-
 lein geachtet wirdt / aber ob solcher
 besser denn die andern solle sein / sage
 ich nicht / sonder schlechter / dieweyle
 aber ein kunststücklein ist / hab ich sol-
 ches dir angezeygt.

Feuer

Fewerkugel die inn einer Stuben mag an- gezündt werden / vnd laufft darin hin vnd wider.

Nachs also : Laß dir eine Kugel
von holtz drehen / die im Dia-
metro so dick seye / als lang die
mitlen Racketen sind / welche leng du
vnter der Racketen beschreibung ey-
gentlich magst erlernen / Als denn v-
berstreich solche hölzene Kugel zim-
lich wol mit seysfen an allen orten /
vnnnd solches vberstreichen beschicht
von wegen des / das das papier so
darüber geleimbt wird / nit an die Ku-
gel angeleimbt möge werden. Nach-
mals schneyde papier einer zwerch
hand breyt / vnnnd das solche geschnit-
ten werden / dem lengsten theyl nach /
so

so ein boge papier geben mag / vnd in
solche an beiden seyten herauff schlig
eines daumes breyt hinein geschmit-
ten / vnnnd allweg zweyer finger breyt
einē von dem andern / Folgends nim
solcher papier eins / vnnnd vberstreich
es mit einem zerlaßnen leim / Als den
schlage solches vmb die kugel fein satt
herumb / das es wol anlige / doch das
nicht das theyl / so mit leim vberstri-
chen ist / auff die kugel kom / vnd denn
ein anders genomen / auch also / doch
an einem andern ort der kugel dar-
umb geschlagen / vnnnd darüber ge-
leimbt / Aluff gehörte weys / sollen die
papier also vber die kugel geleimbt
werden / biß es vngesezt an allen or-
ten fünff oder sechs fach wird / vnnnd
fleissig acht gehabt / damit kein theyl
der kuglen nicht on vberleimbt bley-
be / Nachgehends laß sie wol trucken
werden. So solchs beschehen / schnei-
de zu

de zumitt vber die Kugel gerad herüber
rund vmb / damit solch vberley-
met papier gantzlich durchschnitten
werde / biß auff die Kugel / als denn
gehet solch papier herab / vnd verglei-
chet sich zweyen halben aufgedrehe-
ten Kuglen. Nachgehends must du ha-
ben gefälte Racketen / drey oder vier /
die gerad die leng haben als dick die
Kugel ist / wie denn zuvor auch gemelt
ist / auch sollen solche Racketen kei-
nen schlag haben / Als denn nimme
solche / vñnd lege sie auff das ein halb
theyl der Kuglen (verstehe inwen-
dig) je eine an die ander zumitt dar-
auff / schneid denn ein wenig auß dem
geleimbtten papier an beyden orten /
damit die Racketen auff das halbe
theil hinein gehen / Nimme denn auch
das ander halbe theyl / vñnd thue es
gerad darüber / vñnd denn gleichs fals
den Racketen hinein geholffen / wie
vom

LXIII

vom ersten theyl gemelt ist / auff das
solche beyde halbe theyl gerad wider-
umb auffeinander gehend / Vnd die
Racketen sollen dieser gestalt hinein
gelegt werden / also / das die Racke-
ten eine vmb die ander vmbfert seye/
Das verstehe also / das wo die erste
das helflein hinteret / das am andern
das hindertheil seye / Zu besserem ver-
stand / besihe gegenwertige figur.



Als

Als denn leime das ander halbe
theyl der Fuglen auff dieses/ vnnnd sihe
das du die Racketen der gestalt zu=
richtest/ das so die erst auß brint/ das
es die ander anzünde/ vnd nach auß=
brennung der andern/ die dritt ange=
zündt werde/ Das geschicht also: Sti=
che ein loch zuhinderst inn die ersten
Racketen/raum denn ein/ vnnnd richt
das zündloch der andern dergestalt
daran / das / so solche auß gebrunnen
ist / gleich die andern zu solchem loch
heraus möge anzünden/ Des gleichen
die ander die dritten / Vnd so du also
von einer in die andern ganz wol vn̄
fleissig hast ingeraumt/ Als den v=
berleim die fugen beider halber Fugle/
zu rund vmb mit papir/ allein dz helf
lein der ersten rackete laß vnuerleimt/
damit du es alda mögest anzünden/
Vnnnd sihe / das du also ingeraumt
habest

habest ein Rack et in die ander/das in
 vberleimung solcher je eine von der
 andern vnuerhindert/vnterhalb dem
 vberleimnten papier möge angezünd
 werden/ Auch sihe inn allweg das die
 Rack eten nicht für die Kugel herauf
 gehend/ damit die Kugel vnuerhin
 dert hin vnd her lauffen möge/laß es
 denn also wol trucken werden / So
 denn solches alles nach erzelter maß
 fleyssig gemacht ist / streich sie denn
 von farben schwarz an/als denn ist
 sie gantzlich fertig/ So du sie deñ bren
 nen wilt/trücke das zündloch des er
 sten Rack etleins vol zeug / zünde sie
 denn in einer Stuben oder sonst auff
 einer ebne an/ damit sie on verhinde
 rung hin vnd her lauffen möge/wirst
 du als denn nach deinem begern lust
 sehen.


K

Lin

Ein schöner vn-
terricht / wie du sampt ei-
ner gesellschaft in Fastnacht/oder an-
dern gelegenen zeiten/ein schöne
Mummarey von vorgemela-
ten Feuerwercken zu-
richten solt.


Erstlich mache vmblauffende red-
lein/so viel du denn zu der gesell-
schaft die du bey dir hast bedarf-
fest / wie du solche ganz artlich zu-
richten solt / bist du fornen in irer be-
schreibung gnugsam vnterricht wor-
den. Nachgehends lasse dir von ten-
nen holz dünne Scheiben machen/die
inn der runde diese groß haben/nem-
lich / so du die redlein auff das Cen-
trum solcher scheyben legest / das sol-
che Scheyben rund vmb zweyer zim-
licher

her hend breyt fürgehen / So denn
 lche gemacht / als denn lasse dir ey-
 rne Negel machen / Auff folgende
 orm / Vnd damit du diese Negel de-
 er bas machen mögest lassen nach
 chter art / bist du solches auch vn-
 r der beschreybung des umblauf-
 inden redleins vnterricht worden /
 och hat solcher ein wenig was an-
 ere form / nemlich / vnterhalb des ab-
 sz / muß er gleiche größ / wie oben /
 aben / vnd vngeseh zweyer zwerch
 nger vnterhalb fürgehen / soll auch
 n loch haben / gleich wie oben. Des-
 gleichen sollen eysene speydelein in die
 cher des nagels vnten vnnnd oben
 emacht werden / Solches alles
 iagst du auß besichtigung nachfol-
 ender Figur genugsam verstehen /
 lls denn hore ein loch zu mitt inn die
 Scheyben / stoß den gemelten eysern
 agel dardurch / mit dem kürzern
 K ij theyl



theyl/ vnnnd denn
 dz speidelein dar=
 ein geschlagē/ da=
 mit solcher nagel
 gang steyff vnd
 satt, darin stehe.
 Nachgehēds thu
 das redlein an sol
 chen nagel / mit
 fürstēckung des
 speydeleins/ vnnnd
 vberleime das
 redlein oben mit
 papier / streyche
 denn die scheiben
 sampt dem vber
 leimbten papier
 mit farben an/ dz
 es einer Tartsche
 oder Schildt/ so
 man vor zeyten
 gebraucht hat/ ge
 leich

leich seye / Vnd denn hinten an solcher
sollen sein zwei schnür / dardurch du
magst den lincken arm stossen / wie
denn solche getragen werden / Vnd
denn so sie also gemacht seyen / haben
sie diese form.



Nachgehends soltu haben Streit-
Kolben / schießende Fackeln / vnd auch
K iij Stöck.

Stöck mit auffarenden fewren / die
auff die weys so du vnterricht bist /
bey einem jeden in seiner beschreibung
gemacht seyen / Auch solt du haben
Spießstenglein / inn solche bor oder
brenn zumitt fornen hinein / so weyt
du kanst / vnnnd denn solche löcher mit
dem brennenden zeug / welchen du
vnter der beschreybung des Stöck
finden wirst / gefült / vnnnd mit einem
stößel hinein gesetzt werden solle /
Nach auch oben an solch stenglein
von papier ein form eines Scheff-
leins / oder Spießeysens doch vnuer-
hindert / das du solchs am spitz magst
anzünden . So du denn also diese
stück / auch andere so die tegliche v-
bung leren wird / zugericht hast / vnd
du nu mit deiner Gesellschaft in der
Münarey wilt gehen / Als denn ver-
mum dich sampt deinen gesellen / vnd
theyl die Fewerwerck fein auß / nem-
lich /

lich / das der eine tarttschen am lin-
cken arm habe / inn der rechten aber
ein Streitkolben / schießende Fackel
oder Stöck / welches denn dir gefelt /
desgleichen die andern deine mitge-
sellen sollen andere Feuerwerck ha-
ben / auch etliche vnter jnen sollen die
Spießlein haben / vnnnd mit denen so
die Tarttschen haben / kempffen vnnnd
streiten / Doch das der zeug in Spieß-
lein fornen vor angezündet werde /
vnd die mit den Spießlein sollen acht
haben / das sie also streitend / die redlin
an den Tarttschen anzünden / an dem
ort / da denn die redlein angezünd sol-
len werden / des du denn gnugsamen
bericht inn beschreybung des Red-
leins hast / vnnötig widerumb zuer-
holen. Vnd wenn es dir denn gelegen
ist / als den zünde die Feuerwerck nach
einander auff ein weyten platz / vnd
sihe / das solch brennen der Feuerwerck

K üñ beschehe /

beschehe/ so es inn angehender nacht
ist / Denn kein Feuerwerck beim tag
lustig gesehen wirdt/ wie denn die v-
bung solches augenscheinlich mit sich
wird bringen.

Vnd hiemit dieses Faßnechtlichen
vnterrichts / will ich jetzmalß dises
mein künstlich Buch von schimpffli-
chen Feuerwercken beschliessen / vnd
solchem das ende geben. Wölte wol
auff mehr manieren Schimpffliche
Feuerwerck angezeygt vnnnd gelet
haben/ aber solche auß diesen gezogen
vnnnd genommen sind / Derohalb so
du diesen / so hierin beschriben sindt/
fleyssig nachdenckest / wirst du vn-
zalbare dardurch zuwegen bringen/
wie du sehen wirst.

¶ E N D ¶



Beschluß inn die beschreibung der schimpff= lichen Feuerwerck.

N hast du hiemit freunt=
licher Leser/das ende vnn=
deschluß meiner arbeyt / so
ich dir auff's treulichest /
vnd so vil immer möglich/nach mei=
nem verstand / dermassen vnter die
hand geben hab/das du/so du anderst
lust hast/im ganz artlich magst nach=
kommen/vnd solche nach deinem be=
gern volbringen / Bin auch wol wil=
lens gewesen / gleich jetztmals inn di=
sem Buch zu beschreiben die Feuer=
werck / so zum ernst gebraucht wer=
den / als inn Besatzungen/ Stedten
oder Schlössern / Dieweil aber sol=
ches sich was lenger verweylt hette/
hab


hab ichs jetzimals vnterlassen/damit
solche gegenwertige künstlein deſter
ehe an tag kernen / Vnnd ſo ich mag
ſpüren/das mein arbeit menigſtlichen
wird angenehmen ſein/vnd gefallen/ wil
ich in kütz (ob Gott wil) ſolch Buch
mit andern ſchimpfflichen/auch ernſt
lichen Feuerwercken weyters ſehen
laſſen/Deſgleichen mit zuthun ande-
rer künstlein/ ſo auch nicht vnſtüglich
in dieſem buch ſein würden.


Wil dir auch hiemit günſtiger Le-
ſer angezeygt haben / das dieſe mein
gegenwertige Feuerwercks beſchrei-
bung vnnnd gehabte mühe/andern/ſo
auch hin vnnnd wider außgangen
möchten ſein / welcher ich zum theyl
geſehen/vnd mich liederlich genug be-
duncken/ſolchen nicht gleich iſt. Weiß
auch das nicht eines dieſer meiner
künstlein/ſo in dieſem Buch begriffen
ſindt / vormals im Truck nie keines
geſehen


gesehen ist worden / sondern erst vor
kurzen jaren solche an tag erstmals
kommen sind / vnd jr rechter gebrauch/
grund vnd fundament kundbar wor
den / welches aber ich nicht mit diesen
blossen Worten bezeugt gegen menig
lichen wil haben / sonder die prob sol
cher solle meinen Worten zeugnis ge
ben / Vnd hiemit ich much dem günsti
gen Leser befehlen thue / denn in wil
ligem annehmen dieses meines
werckleins wil ich dir inn
kurtz was künstli
chers mittey
len.

¶ A D ¶

Gedruckt zu Mü-
renberg/durch Johann
vom Berg/vnd Al-
rich Newber.







the Lion